

近
光
集



近光集卷二十四 五言絕句

長洲汪士鋐 文升編纂

山陰蔡學濂 希周叅注

新月

盧仝

樓 仙宮雲箔卷露出玉簾鉤清光無所贈相憶鳳凰樓

玉簾鉤

鮑照詩織纖如玉鉤

鳳凰樓

徐陵雜曲為誰新起鳳凰樓三輔黃圖楊

震關輔古語云長安民俗謂鳳凰樓為貞女樓

風

李嵩

卷之二十四
解落三秋葉能開二月花過江千尺浪入竹萬竿
斜

雪花

虞仲文

瓊英與玉蘂片片落前池問著花來處東君也不
知

雪

傅察

春雷忽隱隱春雪復紛紛農夫戒及澤荷鋪已成
雲

荷鋪

西都賦決渠降
雨荷鋪成雲

三月三日雪

王叔舟

柳絮飛還早梅花落太遲天顏多喜色瑞氣滿瑤

池

柳絮

晉書謝太傅兄女云未若柳絮因風起

瑤池

沈約雪詩玉山聊可望瑤池豈

難即

雲日

李漑學士湖上諸亭作

虞集

金沙灘上行潭底見行雲祇有琴高鯉時時或作

群

琴高鯉

列仙傳琴高以鼓琴為宋康王舍人行涓彭之術後辭入涿水中取龍子與諸

弟子期齋於水旁設桐屋果乘赤鯉來出祠中畱一月復入水

雨後

高汝礪

時雨雨三日田家家萬金有年天子慶憂國老臣

心

三日爾雅雨三日以上曰霖

春情

張起

畫閣餘寒在新年舊燕歸梅花猶帶雪未得試春

衣

春衣庾信宜春賦披香殿裏作春衣

春遊曲

令狐楚

闐闐春風起蓬萊雪水消相將折楊柳爭取最長

條

闐闐

張衡西京賦表
曉闕於闐闐

長條

庾信楊柳歌河邊楊
柳百丈枝別有長條

跪地
垂

奉和正旦賜宰臣柏葉應制 武平一

綠葉迎春綠寒枝歷歲寒願持

一作將

柏葉壽長奉

萬年歡

柏葉

風土記元日長幼悉正衣冠以次
拜賀進椒酒飲桃湯及柏葉酒

立春帖子

王曾

北陸凝陰盡千門淑氣新年年金殿裏寶字帖宜

春

千門

西都賦張千門而立萬戶順陰陽以開闔

春帖子詞

歐陽修

藹藹珠簾日落溶碧瓦煙漪漣采荇水和暖浴蠶

天

皇后閣

珠簾

西京雜記昭陽殿織珠為簾風至則鳴如金玉珠璣

浴蠶

庾信銘桑津浴蠶玉

海周禮馬質注蠶書蠶為龍精月直大火則浴其種

春帖子詞

司馬光

鸞路迎長日農祥正曉天九垓同燠沐萬物向蕃

鮮皇帝閣

農祥禮二月之節注春事興故祈農祥

九垓廣雅九天之外次日九垓

春帖子詞

周必大

日向皇都永冰從太液融八荒開壽域萬國轉春

風皇帝閣

太液三秦記漢有太液池中築方丈瀛洲象海中神山

壽域漢王吉傳疏曰毆一

世之民躋之仁壽之域

綵勝年年巧椒盤歲歲新君王千萬壽長與物華春

綵勝

典戒人日造花勝相遺象瑞圖金勝之形歲時記造花勝起於晉賈充漢書注勝婦

人首飾也漢代謂之華勝

椒盤

爾雅翼過臘一日謂之小歲進椒酒後世率以正月一日

以盤進椒號椒盤

貴妃閣

李清

金環半后禮鉤弋比昭陽春生百子帳喜入萬年

觴

金環

西京雜記戚夫人以百煉金為彊環照見指上骨

鉤弋

黃圖鉤弋宮在城外

〔漢武故事〕宮在直門南〔括地志〕鉤弋宮在長安城中門名堯母門也昭陽〔漢外戚傳〕趙皇

后弟居昭陽舍百子帳〔酉陽雜俎〕唐人婚禮多用百子帳

春日池臺

元萬頃

日影飛花殿風紋積翠池鳳樓通夜徹虬輦望春移

次韻曾守立春席上

沈與求

曉凍穿流急晨光照火新四郊和氣合歌吹待班

春

班春

〔後漢〕崔駰傳班春注班布春令也

曲席紛羅綺中腔度管絲歡聲連萬井一一擁春

旂

曲席

史記戎王使由余於秦繆公與由余曲席而坐傳器而食

春旂

庾信馬射賦落

花與芝蓋同飛楊柳共春旂一色

上巳日

孫永

海內中和日雲間上巳辰笙歌九天半花木十洲

春

中和

漢兒寬傳惟天子建中和之極

十洲

十洲記漢武帝聞王母說巨海之中有十

洲乃人跡稀絕處東方朔作十洲記見八卷

辛亥寒食

元好問

寒食年年好今年迴不同鞦韆與花影併在月明

中

鞦韆

荆楚歲時記春節懸長繩於高木士女坐立其上共推引之以為戲名曰鞦韆古今

藝術圖

北方山戎寒食用

鞦韆

為戲以習輕矯者

清明日

張治道

草沒尚書履花迷御史驄長安佳麗處偏在曲江

東

尚書履

後漢王喬傳喬為葉令有神術臨至有雙鳧飛來舉網張之得一鳥則所賜尚

書官屬 御史驄 後漢書桓典為侍御史常乘驄馬 曲江 司馬相如賦臨

履也 曲江之 隄洲

夏日南園 卻應

夏木無重數 森陰翠樾低 相呼百禽語 大半是黃

鸝

夏木 傅玄述夏賦 四月維夏 運臻正陽 鹿角解於中 野草木蔚其條長 王維詩 嚶嚶夏木

鸝 嚶黃

端午帖子 章棻

清曉會披香 朱絲續命長 一絲增一歲 萬縷獻君

王

萬縷

風土記續
命縷事

端午帖子詞

歐陽修

舜舞來遐俗堯仁浹九區五兵消以德何用赤靈

符

皇帝閣

端午

風土記仲夏五日曰端午
端初也俗重之與夏至同

赤靈符

抱朴子
或問辟

五兵之道答以五月五日
作赤靈符著於心前

繭館覆柔條新絲引更長紉為五色縷續壽獻君

王

皇后閣

蘭館

漢元后傳太后幸蘭館率皇后列侯夫人桑師古曰上林苑有蘭觀蓋蠶繭之所也

端午帖子詞

蘇轍

南訛初應歷五日未生陰靈藥收農錄薰風拂舜

琴

南訛

書堯典平秩南訛注訛化也南方化育之事也

靈藥

夏小正此日蓄採衆藥以

蠲除

農錄

六典注凡藥八百五十種三百六十神農本經一百八十二名醫別錄一

百十四新修新附一百九十四有名無用玉海梁七錄神農本草三卷

九日進茱萸

張說

家居洛城下舉目見嵩山刻作茱萸節情生造化

間

嵩山

名山志嵩高山五嶽之中嶽也

茱萸節

風土記九月九日折茱萸房以挿頭

九月重陽數三秋萬寶成時來謁軒后罷去坐蓬

瀛

陽數

魏文帝與鍾繇書歲往月來忽復九月九日九為陽數而日月並應俗嘉其名以為

宜於長久故以宴享高會

軒后

史記黃帝號軒轅氏

和李舍人冬至日

姚令

獻壽人皆慶南山復此堂從今千萬日此日又初

長

南山

詩如南山之壽不騫不崩

初長

海錄歲時記晉魏間宮中以紅線量日影冬至

後日漆長一線

潼關口號

唐明皇

河曲迴千里關門限二京所嗟非恃德設險到天

平

潼關

雍錄潼關在華州華陰縣東北關西一里有潼水因以為名

河曲

唐默啜傳

初突厥內屬者分處豐勝靈夏朔代間謂之河曲六州降人長安光武都洛陽人謂長安為西京洛陽為東京

二京

帝王世紀漢高帝都

北行即事

周昂

五月分衣節三軍受甲時莫教麟閣將頻發羽林

兒

分衣節

唐書五月五日宴武成殿賜羣臣襲衣特以紫服金魚錫李元紘及蕭嵩羣臣

無與比權德輿集謝端午賜衣表佩長命之縷俾壽而臧捧在笥之衣既安且吉李義山集為

安平公謝端午賜物狀賜臣手詔一通兼前件

端午紫衣銀器百索并大將衣者為滎陽公端

午謝賜物狀賜臣端午

紫衣一副大將衣三副羽林兒

漢百官公卿表武帝取從軍死

事之子孫養羽林官教以五兵號羽

林孤兒唐會要垂拱元年置羽林軍

仙人橋

在崆峒山

趙秉文

絕澗初無路通仙忽有橋偶携青竹杖平步到青

霄

崆峒

史記西至崆峒正義曰崆峒山在原州高平縣西百里卽黃帝問道於廣成子處雍

錄卽筭頭山涇水之所發源

青竹杖

神仙傳介象令人騎青竹杖自吳往蜀南康記

南野縣有術士陳憐其人通靈夜嘗乘龍還家至家成青竹杖內致戸前

龍口巖

天冠山

趙孟頫

峭石立四壁寒泉飛兩龍人間苦炎熱仙境已秋

風

金沙嶺

天冠山

王自熙

峻嶺接仙臺仙人獨往來簫聲吹自落鶴翅拂雲

開

仙臺

戴延之西征記漢武帝於太室山作仙臺及萬壽亭

簫聲

列仙傳簫

時人善吹簫能致孔雀白鶴

鶴翅

列仙傳群仙畢集位高者乘鸞次乘麒麟次乘鶴鸞

鶴每翅各大丈餘

儋耳山

蘇軾

突兀隘空虛他山總不如君看道傍石盡是補天

餘

儋耳山

十道志漢元鼎六年定越地置儋耳郡唐武德四年置儋州漢書張注云鏤其

耳分令下垂為飾即儋耳也

補天

史記女媧乃鍊五色石以補天

太平詞

王渥

風俗今和厚君王在穆清行看採一作採花曲盡是

泰階平

穆清

洛陽宮殿圖西華門內延福宮穆清靈顧性智三殿採花曲太白集

花注云子闐採花者蕃胡四曲之一

泰階

黃帝泰階六符經泰階者天之三階也三階平

則陰陽和風雨時長楊賦

是以玉衡正而泰階平也

聖德超千古皇威靜四方蒼生今息戰無事覺時

良

皇威

潘岳西征賦兵舉而皇威揚

太平樂詞

白居易

歲豐仍節儉時泰更消兵聖念長如此何憂不太

平

九重青瑣闥百尺碧雲樓明月清風夜珠簾上玉

鈎

九重

楚詞天之門兮九重

青瑣

漢元后傳赤墀青瑣注師古曰刻為連瑣文而以青

塗

百尺

洛陽地記洛陽城西北角金墉城東北角有樓高至百尺魏文帝所造

玉

鈎

十五國春秋石虎建玳瑁樓懸五色珠簾白玉鈎帶

小曲新詞

白居易

霽色鮮宮殿秋聲脆管弦聖明千載樂歲歲似今年

思君恩

張仲素

紫禁香如霧青天月似霜雲韶何處奏只是在昭陽

紫禁

謝莊宣貴妃誄收華紫禁李善注王者之宮以象紫微故謂宮中為紫禁

雲韶

晉禮樂志

惜愔雲韶唐禮樂志

文宗采開元雅樂製雲韶法曲

湛露浮堯酒薰風起舜歌願同堯舜意所樂在人

和

堯酒

孔叢子堯舜千鍾傳玄酒賦唐堯千鍾周文百觚

聖明樂

張仲素

九陌祥煙起千春瑞月明宮花將苑柳先發鳳凰城

聖明樂

令狐楚

海浪恬丹徼邊塵靖黑山從今萬里外不復鎮蕭關

關

丹徼

古今注南方徼赤色故稱丹徼南方之極也

黑山

水經注黃水北有黑山

石悉

蕭關

漢匈奴傳孝文十四年匈奴入朝那蕭關括地志隴山關在原州即古蕭

關

天長地久詞

盧綸

玉砌紅花樹香風不敢吹春光解天意偏發殿南

枝

玉砌 西都賦 玄墀 卸砌 玉階 彤庭 張衡 西京賦 金屝 玉階

宮中樂

張仲素

秋 月彩浮鸞殿砧聲隔鳳樓笙歌臨水檻紅燭乍迎

宮中樂

令狐楚

月上宮花靜煙含苑樹深銀臺門已閉仙漏夜沉

銀臺門

唐錢徽傳肅宗戒有貢獻毋入右銀臺門以避學士

柳色煙相似梨花雪不如春風真有意一一麗皇居

陪聖駕步禱南郊紀事

馮珂恭

龍虎新軍罷勾陳御路開紅塵都不掃畱待雨師來

龍虎新軍

兵志明皇以萬騎平韋氏改為左右龍武軍以萬騎營隸焉鄴侯家傳太

宗以元從軍為龍武分左右置將軍四員掌之高祖好獵擇善射者百人為二番於北門長上從獵謂之百騎高宗時百騎漸眾乃改為千騎猶統於龍武軍武后朝召入轉多又改為萬騎而名羽林軍分左右將軍如龍武其後羽林盛而龍虎衰會要開元二十六年析左右羽林軍置龍武軍**勾陳**晉天文志勾陳六星在紫宮中王者法勾陳設環列**紅塵**西都賦紅塵四合煙**雨師**列子赤松子神農時雨師風俗雲相連屏翳西都賦**雨師汎灑**

曉出禁闈

李東陽

楊柳南城逼芙蓉小苑通內使來調馬君王勅射

熊

芙蓉

洛陽宮殿簿有芙蓉殿

射熊

梁元帝有落日射熊詩

東華門偶述

李東陽

銀甕爛生光盤龍繡袂香但知從內出不省賜何

王

銀甕

瑞應圖王者宴不及醉則銀甕呈祥故都下有銀甕酒庫蓋取此意

錄汴梁宮人語

楊奐

畫燭雙雙引珠簾一一開輦前齊下拜歡飲辟寒

杯

水殿納涼圖

張昱

別殿紅綃女無風亦自涼
闌邊自湖水夜夜宿鴛鴦

長寧公主宅流杯池
上官昭儀

瀑溜晴疑雨叢篁晝似昏
山中真可玩暫請報王孫

玉真公主山居
儲光羲

山北天泉苑山西鳳女家
不言沁園好獨隱武陵花

沁園

後漢竇憲傳憲恃宮掖聲勢遂以賤直請奪沁水公主園田注沁水公主明帝女

武陵花

陶潛集晉太康中武陵人捕魚從溪而行忘路遠近忽逢桃花夾兩岬芳華鮮

美落英

繽紛

奉蕭令嵩酒并詩

張說

醪
樂奏天恩滿杯來秋興高更蒙蕭相國對席飲醇

奉宇文黃門融酒

張說

聖德垂甘露天章下大風又乘黃閣賞願作黑頭

公

大風

漢高帝歌大風起兮雲飛揚

黃閣

宋書三公黃閣前史無其義臣按禮記云

士鞅與天子同公侯大夫卽異鄭注云三公之
 與天子禮數相亞故黃其閣以示謙不敢斥天
 子宜是漢未制也黑頭公晉諸葛恢傳王導嘗謂
曰明府當爲黑頭公

奉裴中書光庭酒

張說

西掖恩華降南宮命席闌詎知雞樹後更接鳳池
 歡

雞樹

魏志注殿中有雞栖樹

鳳池

晉書荀勗奪我鳳凰池

翰林中送獨孤起居出院

白居易

碧落畱雲住青冥放鶴還銀臺向南路從此到人

間

碧落

丹書赤雀記事珠沈羲爲仙人所迎見老君授官爲碧落侍郎

徐錦衣西園

李舜臣

暖日紅芳樹晴煙碧小溪春風二三月定有好禽啼

送轉運梅學士遊邊郡

寇準

還
夙駕巡邊徼歸程隔亂山長安花木麗春苑待君

題胡廷暉畫

郊韶

仙館空青裏春船罨畫中鷗波千丈雪漁笛一絲

風

題柯敬仲雜畫

虞集

鐵石餘生色
冰霜作晚妍
春雷明日起
何處尙龍眠

昔過篔簹谷
鈎衣石角斜
擬尋龍作杖
拾得上天槎

篔簹谷

曹毗湘表賦其竹則篔簹白鳥

石角鈎衣

杜詩石角鈎衣破

龍

作杖

方術傳壺公以杖與費長房曰乘此任所之長房乘杖須臾來歸投杖葛陂中視之

則龍也

庾賦制

上天槎

蜀志張騫奉使尋河源得高節竹植於邛山堪

以成龍之杖

杖作

硯

李俊民

端溪溫潤石價重百車渠一滴元潭水蠅頭萬卷

書

端溪

硯譜柳公權論硯青州石第一絳州次之殊不言端石世傳端溪水中石其色青山

半石其色紫山

車渠

魏文帝車渠渠枕賦序車渠絕頂者尤潤玉屬也多織理縟文生於

西國其

蠅頭

李之儀跋東坡詩楊文公與人時俗寶之

角小紙蠅頭細字運筆

如飛而與飲弈不相妨

奉和詠弓

楊師道

霜重麟膠勁風高月影圓烏飛隨帝輦雁落逐鳴

絃

麟膠

十州記鳳麟洲多鳳麟煮鳳喙麟角令煎作膠名為續絃膠

月影圓

馬射

賦弓如明月對朔古樂府綠沉明月弦

落雁

戰國策雁從東方來更羸以虛弓發而下

之庾信賦吟猿落雁

咏燭

唐太宗

九龍蟠焰動四照逐花生即此流高殿堪持代月

明

九龍

西京雜記長安巧工丁諤作恒滿燭九龍五鳳雜以芙蓉蓮藕之奇庾信賦九龍將

瞋三爵
四照燈賦百枝同樹四照連盤江總
行樓詩百花疑吐夜四照似含香

千秋節賜群臣鏡
唐明皇

瑞露垂花綬寒冰徹寶輪對茲臺上月聊以慶佳辰

千秋節唐書開元十七年八月帝以生日宴百官於花萼樓下源乾曜張說帥百官上

表請以每歲八月五日為千秋節布於天下咸令宴樂尋又移社就千秋節

紙鳶
寇準

碧落秋方靜騰空力尚微清風如可託終共白雲

飛

紙鳶

續博物志今之紙鳶引絲而上
令小兒張口望視以洩內熱

題翰林東閣前小松

元稹

簷礙脩鱗亞霜侵簇翠黃惟餘入琴韻終待舜絃

張

賦得臨池柳

唐太宗

岸曲絲陰聚波移帶影疎還將眉裏翠來就鏡中

舒

貞條障曲砌翠葉負寒霜拂牖分龍影臨池待鳳

翔

龍影

魏文帝柳賦上扶疎而索散今下交錯而龍鱗陳琳柳賦龍鱗鳳翼綺錯交施

勤政樓西老柳

白居易

半折臨風樹多情立馬人開元一株柳長慶二年

春

勤政樓

明皇時建

開元

明皇年號

長慶

穆宗年號

詠江濱梅

王適

忽見寒梅樹開花漢水濱不知春色早疑是弄珠

人

弄珠

南都賦遊女弄珠於漢臯之曲

梅花

王安石

來
墻角一枝梅凌寒獨自開遙知不是雪為有暗香

月梅

楊維禎

花
天上清虛府人間香影家吳剛斫桂斧只合種梅

吳剛

酉陽雜俎吳剛斫桂事

奉中宮命題所畫梅

管夫人

雪後瓊枝嫩霜中玉蕊寒前村畱不得移入月中

看

左掖梨花

丘為

冷豔全欺雪餘香乍入衣春風且莫定吹向玉階

飛

左掖

呂后紀注非正門而在兩旁者若人之臂掖

和王給事禁省梨花

皇甫冉

巧解迎人笑偏

百家作還

能亂蝶飛春風時入戶幾片

落朝衣

題殿前桂葉

虞僊

攀桂葉生南海芳香隔遠山今朝天上見疑是月中

桃竹黃鶯

宋徽宗

出谷傳聲美遷喬立志高故教桃竹影不使近蓬蒿

和梅聖俞杏花

歐陽脩

誰道梅花早殘年豈是春何如艷風日獨自占芳辰

桃花

張志純

流水來天洞人間一脈通
桃源知不遠浮出落花

紅

桃源

陶潛桃
花源記

千葉紅桃

王十朋

在處飄紅雨臨窓照夕陽
何時清禁裏一笑伴仙

郎

咏石榴花

楊維禎

密幄千重碧疎巾一棹紅
花時隨早晚不必嫁春

風

一 櫻 櫻姊未切 廣韻 暹 櫻也 類篇 子未切

櫻桃

范成大

火齊寶瓔珞垂於採繭絲幽禽都未覺和露折新

枝

火齊

寰宇記 天竺有火齊如雲母而色紫 西都賦 翡翠火齊流耀含英

瓔珞

南史

林邑國傳 其王法服加瓔珞如佛像之飾

扇上竹枝

高啓

寒梢雖數葉高節傲霜風寧肯隨團扇秋來怨篋

中

高節

劉淵林蜀都賦注印竹出與古盤江以南竹中實而高節可以作杖

團扇

班婕妤

好怨詩裁為合歡扇團團似明月又常恐秋節至涼風奪炎熱棄捐篋笥中恩情中道絕

子昂風竹

宋綬

筆意出天機
翛然仰復低
稍須風勢定
應有鳳來

棲

鳳棲

謝靈運賦其竹則二箭齊葉四苦齊未水石多名巨細各彙企山陽之遊餞遲鸞鶯

之棲託毛詩注疏鳳凰非梧桐不棲非竹實不食

黃蜀葵

虞集

花萼立清晨
鵝黃向日新
金杯承玉露
偏醉蜀鄉

人

鵝黃

杜甫詩鵝兒黃似酒對酒愛鵝黃

木槿花

張以寧

朝昏看開落一笑小窓中別種蟠桃子千年一度

紅

木槿

禮仲夏之月木槿榮潘尼朝菌賦序朝菌者蓋朝華而暮落世人謂之木槿

桃子

漢武故事王母出蟠桃七枝自噉二以五與帝帝畱核欲種之王母笑曰此桃三千

年一著子非下土所植

蓮葉

劉子翬

郁烈香浮雨團圞綠蔭波近堤千葉亂知有畫船
過

郁烈

洛神賦踐椒塗之郁烈

春草

陳沂

夜雨江南夢春風陌上情東皇如有意移向玉階
生

畫馬

徐尊生

白馬被朱鞮牽來過御前憶曾何處見金水小橋
邊

金水河

元方輿勝覽源出宛平玉泉山月
和義門閉水門流入皇城故名金水河

奚官洗馬圖

張雨

曾侍赤墀東天池看浴龍曉涼湖上夢猶立柳陰

中

赤墀

漢梅福傳注禮天子赤墀

和李長吉馬詩

郭翼

駉牝三千匹雲屯十二閑六飛當御駕喜色見龍

顏

駉牝

詩駉牝三千爾雅駉牝驪牡

雲屯

馬射賦千乘雷動萬騎雲屯

十二

閑六典六閑左右凡十有二閑分爲二廐一日祥麟一日鳳苑以繫飼馬

從獵

韓渥

獵犬暗斜路宮嬪識認旗馬前雙兔走宣示羽林

兒

獵犬文子狡犬得而獵犬死高鳥得而良弓藏兔走瑞應圖驟裏者神馬也與飛兔

同

詠省壁畫鶴

宋之問

粉壁圖仙鶴昂藏真氣多騫飛竟不去當是戀恩

波

省壁畫鶴

舊聞記秘書有薛少保畫鶴

鷺

吳師道

振振風生柳沾沾雪點磯白攢秋水立青暎暮天
飛

振振

詩振振鷺于飛

曉起聞鷺

趙孟頫

暑氣曉來清時時聞遠鷺還思故園路松下綠苔

生

杏花鷺

郭翼

溪上好鶯賓相呼雪一聲柳根春水煖來泛杏花
雲

好鵝賓

李白王右軍詩山陰
遇羽客愛此好鵝賓

題畫鷹

李昶

勁節排霜戟天寒氣轉驕草間狐兔盡側目望青
霄

側目

杜甫畫鷹詩
側目似愁胡

鴛鴦

高啓

兩兩蓮池上春如在錦機應知越女妬不敢近船

飛

和楊鐵崖小臨海

張簡

雨過積金頂芙蓉萬朶青
神魚不飛去風伏翠濤腥

近光集卷二十五 七言絕句

長洲汪士鋐 文升編纂

大興薄 岱 起東叅注

李紳鎮揚州請孝標賦春雪詩命題於臺

盤上索筆一揮 章孝標

六出花飛處處飄粘窗拂砌上寒條朱門到晚難

盈尺盡是三軍喜氣銷

六出 見韓詩外傳 朱門 晉麴允傳允與游氏世為豪族西州語曰麴與游牛羊不

數頭南開朱門北望青樓 盈尺 左傳凡平地盈尺為大雪謝莊瑞雪詩審伊宮之踰丈信

銅阿之盈尺謝惠連賦
盈尺則呈瑞於豐年

武陵春雪

張斛

天風吹雪滿千山不見桃花汎碧瀾
洞裏仙人貪種玉不知人世有春寒

千山

謝惠連賦瞻山則千巖俱白

種玉

搜神記羊公篤孝葬父母無終山山高無

水作義漿於坂頭有人就飲飲訖出石子一升與之云此可以種玉且得婦羊公求徐氏女徐戲曰得白璧一雙來當為婚公至所種石中得五雙以聘之遂娶焉其地名曰玉田按張正見應教雪詩睢陽生玉樹雲夢起瓊田何遜雪詩誰言非玉塵玉以比雪因桃源洞借用羊公事

雪

薛蕙

流風迴雪滿蓬萊繡幕珠簾萬戶開
內殿平明催設宴玉京深處翠華來

迴雪

洛神賦飄飄兮若流風之迴雪

蓬萊

西都賦濫瀛洲與方壺蓬萊起乎中央

內殿

後漢書中平四年正月己亥南宮內殿罌

親族隣里於朝堂會命婦於內殿

玉京

枕中書玉京七寶山迴九萬里在大羅天之

上翠華

上林賦建翠華之旂沈約詩方侍翠華舉遠適瑤池宴柳惲和武帝景陽樓篇

翠華承漢遠彫輦逐風游

祥雲

王安石

冰入春風漲御溝上林花氣欲飛浮
未央屋瓦猶

殘雪却為祥雲映日流

御溝古今注長安御溝謂之楊溝植楊於其上也

未央宮名見前

曲江春望

盧綸

菖蒲翻葉柳交枝暗上蓮舟鳥不知更到蘆花最
深處玉樓金殿影參差

曲江

西京雜記京城龍華寺南有流水屈曲謂之曲江秦時為宜春苑漢為樂遊苑唐開

元中明皇鑿池引水
植花木為勝遊之地

玉樓

十洲記崑崙山有玉樓十二所

金殿

江總詩羽籥響鍾
石流泉灌金殿

宮前早春

王建

酒幔高樓一百家宮前楊柳寺前花內園分得溫

湯水二月中旬已進一作瓜

破

寺三體唐詩注風俗通曰尚書御史所止皆曰寺天寶四載置百司於湯所故有寺進

瓜三體唐詩注唐置溫湯監丞種瓜蔬溫泉雍州圖溫湯在新豐縣界溫谷即溫泉也

又云溫泉在藍田縣界雍錄溫泉在驪山秦漢隋唐皆常遊幸惟明皇特侈

春帖子詞

宋祁

日華初麗上林天殿裏春花百種鮮驅出餘寒還

故臘收回和氣作新年皇帝閣二首

望春臺下春先到獵獵青旗倚漢宮水自北涯生

暖。潘花從東面受和風

春帖子

蘇詩自注立春日翰林學士供詩帖子

望春臺

曹植登臺賦望眾果

之滋榮仰春風之和穆老子衆人熙熙青旗禮記

如上春臺宋之問詩青旗遙倚望春臺天子居明堂左个乘鸞輅駕蒼龍載青旗衣青衣服蒼玉

春帖子詞

司馬光

浮陽滿野白溶溶澤底山椒淑氣通草木豈能知

造化一花一葉盡天功

皇帝閣

山椒

謝莊月賦菊散芳於山椒注王逸楚詞注曰土高四墮曰椒漢書武帝傷李夫人賦

釋子馬於山椒

注山椒山頂也

春衣不用蕙蘭熏領緣無煩刺繡文曾在蠶宮親

織就方知縷縷盡辛勤

皇后閣

領緣

賈誼治安策今民賣僮者為之繡衣絲履偏諸緣內之閑中是古天子后服所以廟

而不宴者也而庶人得以衣婢妾又云天子之后以緣其領庶人孽妾緣其履此臣所謂舛也

蠶宮

禮記古者天子諸侯必有公桑蠶室近川而為之宮東觀漢記明德馬皇后置織室

蠶宮

春帖子詞

蘇軾

彤史年來不絕書三朝德化婦承姑宮中侍女減

珠翠雪裏貧民得袴襦

皇太后閣

彤史

詩貽我彤管箋彤管赤管也必以赤者欲使女史以赤心正人後漢后妃傳永言彤史大

形管記功書過晉后妃傳永言彤史大練之範逾微緬視青蒲脫珥之猷替矣

袴襦昔用

無襦今五袴事

春帖子

蘇軾

翰林職在明光裏行樂詩成拜舞中不得驚開小

桃杏始知天子是天公

閣皇帝

明光

藝文類聚洛陽宮殿簿曰明光徽音式乾清暑暉音含章建始仁壽宣光嘉福百福

芙蓉九華流圃華光流光

五日占雲十日風憂勤終歲為三農春來有喜何

人見好學神孫類祖宗

太皇太后閣二首

占雲

周禮保章氏以五雲之物辨吉凶鄭注觀雲色青為虫白為喪赤為兵荒黑為水黃

為豐東方朔傳凡占天有

黃雲來如覆車五穀大熟

共道十年無臘雪且欣三白歷春田盡驅南畝扶

犁手稍發中都朽貫錢

三白

蘇詩註泗州語云欲宜麥見三白謂三度見雪也

中都

平準書漕轉山東粟

以給中都官歲不過數十萬石索隱中都猶都內也皆天子之倉庫以給中都官者即今太倉

以穡官儲

者是也

朽貫錢

漢食貨志京師之錢累百鉅萬貫朽而不可校賈捐之罷

珠厓對

太倉之粟紅腐而不可食都內之錢貫朽而不可校白樂天詩廚有臭敗肉庫有貫朽

錢

扶桑初日映簾昇已覺銅餅暖不冰七種共挑人

日菜千枝先剪上元燈

夫人閣

扶桑

淮南子曰出於暘谷浴於咸池拂於扶桑

銅餅

何遜七名銅餅玉井金釜桂薪

賈島詩石磬疎寒韻銅餅結夜漸

七種菜

荆楚歲時記正月七日為人以七種為羹剪綵為人或鏤金箔為人以貼屏風亦戴之頭髻

祀太一以昏時祠到明今人正月望日夜遊觀燈是其遺事按朱文公云三元是道家之說上元燒燈却見於隋煬帝未知始於何時

上元燈

初學記史記樂書曰漢家

東風弱柳萬絲垂的皜殘梅尚一枝蠶館乍欣蠶

浴後禊壇猶記燕來時

皇太妃閣

蠶館

宋史禮志做漢制置蠶館立織室於宮中

蠶浴

見二十四卷

禊壇

禮記

仲春立鳥至至之日以太牢祀於高禊天子親往后妃率九嬪御乃禮天子所御帶以弓鞬援以弓矢於高禊之前鄭康成注高辛氏之世立鳥遺卵娥簡吞之而生契後王以為媒官嘉祥而立其祀焉變媒言禊神之也詩克禋克祀以弗無子傳弗去也去無子求有子古者必立郊禊焉

御溝春日偶成二首

馬祖常

御溝流水曉潺潺直似長虹曲似環流入宮牆才

一尺便分天上與人間

水南沙路雨清塵桃李花開蛺蝶春三月京華寒

食近東風十里酒旗新

清塵

東都賦雨師汎灑風伯清塵

酒旗

三氏星經酒旗三星在軒轅六角南張載

酈酒賦

擬酒旗於元象曹植酒賦仰酒旗之景曜

京城春日二首

迺賢

三日諸郎儼直閒繞城騎馬借花看晚來金水河
邊路柳絮紛紛撲繡鞍

儼直

玉海開寶舍人院在中書制敕院內初入者有儼直

黃鶴樓東賣酒家王孫清曉駐遊車寶釵換得葡

菊去今日城東看杏花

黃鶴樓

九域志鄂州有黃鶴山黃鶴樓圖經云費文禕仙去駕鶴來此南齊志仙人子

安乘黃鶴過此

葡萄

魏文帝詔朝臣曰葡萄釀以為酒過之流涎咽唾况親飲之

梁園春三首

元好問

暖入金溝細浪添
津橋楊柳綠纖纖
賣花聲動天街遠
幾處春風揭繡簾

梁園

謝惠連雪賦梁王不悅遊於兔園西京雜記梁孝王好宮室苑囿之樂築兔園枚乘

江淹俱有梁王兔園賦

金溝

南史羊定子傳子戎少有才氣文帝好與定子棊常中使

至定子曰上何召我耶戎曰金溝清泚銅池搖颺既佳光景當得劇棊

賣花聲

夢華

錄季春萬花爛漫賣者以馬頭天街天官書畢
 竹籃鋪排歌叫之聲清奇可聽昂間為天街

上苑春濃晝景閑綠雲紅雪擁三山宮牆不隔東

風斷偷送天香到世間

上苑

盧藏用詩天遊御蹕駐城闈上苑池光

三

山

拾遺記望三壺如盈尺三壺海中三山也

樓觀沈沈細雨中出牆花木亂青紅朱門不解藏
 春色燕宿鶯啼處處通

次翰林都事拜住春日見寄韻

張以寧

日高睡起小窓明飛絮遊絲弄晝晴
忽憶金河年少夢柳陰騎馬聽流鶯

上元夜

崔液

玉漏銅壺且莫催鐵關金鎖徹
明開誰家見月能閑坐何處聞燈不看來

玉漏

初學記李蘭漏刻法日以玉壺玉管流珠馬上奔馳行漏

銅壺

初學記張衡漏

水轉渾天儀制日以銅為器再疊差置實以清水下各開孔以玉虬吐漏水入兩壺右為夜左

為書

十五日夜御前口號蹋歌詞 張說

花萼樓前雨露新長安城裏太平人龍銜火樹千

重一作燈艷雞蹋蓮花萬歲一作樹春

龍銜西京雜記秦有青玉五枝燈高七尺五寸

戲賦乃有龍燭銜花金爐浮氣傅咸燭賦六龍銜燭於北極九日登曜於扶桑火樹傅

朝會賦華燈若乎火樹熾百枝之煌吳筠蓮花燈詩

昔在鳳凰闕也采蓮花莖陸離看寶帳爛漫照文屏庾信對燭賦鑄鳳銜蓮圖龍並眠

上元侍飲樓上三首呈同列 蘇軾

澹月疎星繞建章仙風吹下御爐香侍臣鵠立通

明殿一朵紅雲捧玉皇

建章

漢書建章宮名西都賦提建章而連外屬

通明殿

王欽若翊聖保德真君傳

建隆初鳳翔蓋屋民張守真一日朝禮玉皇大殿觀其額曰通明殿不曉其旨真君曰上帝在無上天為諸天之尊常升金殿光明通徹無所不照故為通明殿

燈碑

宇文虛中

九夏南風入舜琴恩風澤雨浹飛沉陪京最是儀
型地先識君王解慍心

陪京

南都賦陪京之南居漢之陽開居賦陪京沂伊面郊後市

解慍

見舜薰風歌

正月十六日夜至京師觀燈

高啓

天街爭唱落梅歌絳闕珠燈萬樹羅莫恠遊人來
看晚春風還似昨宵多

落梅歌

白帖標梅之咏見彼詩人落梅之曲聞諸樂府

絳闕

晉書孫楚傳使竊號

之雄稽顙終闕文心雕龍敷奏絳闕獻替黼展言必貞明義則弘偉

元夕午門觀燈應制

金幼孜

閶闔重重夜不扃瓊樓十二做銀屏東風一曲昇
平樂此夜都人盡許聽

昇平樂

玉海唐凱樂應聖期詞殊方歌沛澤執贄賀昇平又乾德元年作萬歲昇平樂

曲

寒食

韓翃

春城無處不飛花
寒食東風御柳斜
日暮漢宮傳

蠟燭青煙散入五侯家

蠟燭

西京雜記寒食禁火曰賜侯家蠟燭

五侯

桓帝封單超新豐侯徐璜武原侯具

瑗東武陽侯左館上蔡侯唐衡汝陽侯五人同日為侯世謂五侯見宦者傳

山亭夏日

高駢

綠樹陰濃夏日長
樓臺倒影入池塘
水精簾動微

風起滿架薔薇一院香

薔薇

本草薔薇一名牛棘柳

暉薔薇詩不搖香已覺

題水殿納涼圖

詹同

湖上闌干百尺臺，臺邊水殿倚雲開。
紅橋人隔荷花語，玉盃金盤進雪來。

闌干

吳都賦：金鑑磊砢，珠璣闌干。注：闌干，縱橫也。七夕賦：視織女之闌干。玉盃，晉書

王敦遺玉環玉盃以申厚意。庾信春賦：芙蓉玉盃蓮子金杯。江淹賦：碧玉作盃，銀為盤。

南史：劉穆之為丹陽尹，召妻兄弟飲，令廚人以金盤貯檳榔一斛進之。

秋日即事詩送元輔張羅山 明世宗

拂暑金風動袞裳，滿天商吹動新涼。
農家萬寶收成後，十里遙聞禾黍香。

成後十里遙聞禾黍香

金風

張協詩金風扇素節丹露啓陰期

商吹

月令其音商

收成

爾雅秋爲

白藏曰收成

秋詞

薩都刺

清夜宮車出建章紫衣小隊兩三行

一作曲

闌干

畔

一作外

銀燈過照見芙蓉葉上霜

銀燈

閻德隱詩玉盤錯落銀燈照錢起詩銀燈夜作華亭月

和元郎中從八月十一至十五夜

王建

半秋初入中旬夜已向階前守月明從未圓時看

却好一分分見傍輪生

八月十五日看潮

蘇軾

定知玉兔十分圓已作霜風九月寒寄語重門休

上鑰夜潮畱向月中看

玉兔

藝文類聚月三日成魄八日成光蟾蜍體就穴鼻始明注穴決也決鼻兔也傳咸擬

天開月中何有玉

兔搗藥興福降祉

江神河伯兩醯雞海若東來氣吐霓安得夫差水

犀手三千强弩射潮低

元注吳越王嘗以弓弩射潮頭與海神戰自爾水不

近敢

江神

于鵠詩還隨女伴賽江神

河伯

漢書王尊傳躬率吏民投沈白馬祀水神河伯

醯雞

蔣防隙塵賦謂醯雞之乍睹疑野馬之潛見楊敬之華山賦醯雞往來周東西矣

海若

楚辭使湘靈鼓瑟兮令海若舞焉夷注海若海神名也

吐霓

莊子秋水時至

百川灌河於是河伯欣然自喜以為天下之樂為盡在已順流而東行至北海東面而視不見水端於是河伯望洋向若而歎

水犀

越語夫差衣水犀之甲者億有三千

宮詞

王建

金吾除夜進儺名畫袴朱衣四隊行院院燒燈如

白日沉香火底坐吹笙

金吾

應劭曰吾禦也執金革以禦非常顏師古曰金吾鳥也執此象故以名官儺唐禮

樂志大儺之禮。選人年十二以上十六以下為儺子。假面赤布袴褶二十四人為一隊。六人為列。其一人方相氏。假面黃金四目。蒙熊皮黑衣。朱裳。右執楯。其一人為倡帥。假面皮衣。執棒以逐惡鬼。於禁中。

上京雜詠

薩都刺

白晝一作派簫韶起半空。水晶行殿玉屏風。諸王舞

蹈千官賀高一作齊捧葡萄壽兩宮

行殿隋書又造觀風行殿。上容侍衛者數百人。離合為之下。施輪軸。推移倏忽。若有神功。

殿轉霏微。玉屏風初學記洞冥記。日上起神明臺。上有金床象席。雜玉

屏風為龜甲葡萄酒見前

丁卯上京四絕

馬祖常

山雨晴時已是秋苑中行殿日華浮長楊十里旌
旗宿不使飛霜入畫樓

長楊

揚雄長楊賦輸
長楊射熊館

離宮秋草仗頻移天子長楊羽獵時白雁水寒霜
露滿騎奴猶唱蹋歌詞

離宮

西都賦狗以離宮別
寢承以崇臺閑館

羽獵

揚雄有
羽獵賦

騎奴

史記

田叔傳任安為衛將軍舍人與田仁居門下衛
將軍從此兩人過平陽主王家令兩人與騎奴

同席而坐潛夫論騎
奴侍童夾轂並引

蹋歌詞

樂府崔夜
有蹋歌詞

海國名鷹豈鶻胎渥洼天馬是龍媒明時不惜黃

金賜只欲番王萬里來

渥洼

古樂府漢郊祀樂歌有天馬之歌乃元狩三年馬生渥洼水中作

龍媒

漢書

志渥洼神馬歌天馬來龍之媒遊閭闔觀玉臺

持橐詞垣已賜金對衣侍拜更恩深何如坐索長

安米只有詩歌滿翰林

持橐

漢書趙充國傳張安世持橐簪筆事孝武帝數十年白居易溫造可起居舍人充宣

慰使制造為人和內決以兼濟為心持橐殿中以備指使

賜金

漢書疏廣上疏乞骸

骨許之賜黃金二十金皇甫曾詩揮翰宣鳴玉承恩在賜金

索米

徐夔詩晨吹一箸紅

銀粒憶著長
安索米秋

和王侍制燕京雜詠

釋來復

大駕灤陽避暑迴鳳笙
龍管內筵開侍臣催進蒲
萄酒雙捧君王萬歲杯

灤京雜詠

楊允孚

北顧宮庭暑氣清
神堯聖禹繼昇平
今朝健德門前馬千里
灤京第一程

健德門

輟耕錄大都城門北之西曰安貞北之西曰健德元兵志車駕行幸上都太僕

卿以下皆從先驅馬出健德門取其肥可取乳者以行

納寶盤營象輦來畫簾璫映九重開大臣奏罷行

程記萬歲聲傳龍虎臺元注龍虎臺納寶地也凡車駕行幸宿頓之所謂之

納寶又名納鉢

龍虎臺誠意伯文集龍虎臺去京師百里在居庸關之南背山面水車駕歲幸上都往

還駐驛之地

宮車次第起昌平燭炬千籠列火城纔入居庸三

四里珠簾高揭聽啼鶯

昌平黃潛縣石橋記由都城北抵上京其驛十有二而昌平之為縣當其第一驛大駕時

巡次舍在焉居庸唐地理志幽州范陽郡昌平縣西北三十五里有納欵關即居庸故

關明一統志昌平縣在順天府北九十里方輿紀要本漢舊縣屬上谷郡 火城國史補大

官皆備珂傘列燭有至五六百炬者謂之火城

居庸千古翠屏環飛騎將軍駐兩關萬里車書來

上國太平弓矢護青山元注兩關謂南口北口

兩關偵宣鎮錄居庸南口關夾澗而城左右可三四十步行十五里峯回路轉有城翼然

又十里則北關再二十五里至八達嶺凡五十里巖巒復合兩崖如削

聖祖初臨建國城風飛雷動蟄龍驚月生滄海千

山白日出扶桑萬國明元注上京大山舊傳有龍居之奉白宥通

風飛文賦祭風雷動馬射賦千乘雷杜詩蟄龍木葉

黃落龍正蟄曹松詩潮頭振蟄龍

大安閣下晚風收海月團團照上頭誰道人間三

伏節水晶宮裏十分秋

元注大安閣上京大內也別有水晶殿

三伏

曆忌釋伏者何也金氣伏藏之日也金畏於火故至庚日必伏陰陽書後夏至後第

三庚為初伏四庚為中伏三秋後初庚為終伏故謂之三伏

白白瓊房撒萬星名王酣宴惜娉婷李陵臺北連

天草直到開平縣裏青

李陵臺

唐地理志雲中都護府燕然山有李陵臺

又是宮車入御天麗姝歌舞太平年侍臣稱賀天

顏喜壽酒諸王次第傳

元注千官至御天門俱下馬徒行獨至尊騎馬直入

前有教坊舞女引導且歌且舞舞出天下太平字樣至玉階乃止內門曰御天之門

九奏鈞天樂漸收五雲樓閣翠如流宮中又放灤

河走相國家奴第一籌

元注灤河至上京二百里走者名貴赤黎明放自灤

河至御前已初中刻者上賞

鈞天

史記趙世家與百神遊於鈞天廣樂九奏萬舞

五雲

張良器集靈臺賦聖主湛

恩散作八方之雨清都喜氣凝為五色之雲

霜寒塞月青山瘦草實平坡黃鼠肥欲問前朝開

宴處白頭宮使往還稀

元注文宗會開宴於南坡

黃鼠廣志黃鼠在田野間為群害穀麥善走凡狗不得惟鼠狼能得之陳孚詩雲際卓生

肥黃鼠

偶因試馬小盤桓明德門前御道寬樓下綠楊樓

上酒年年萬國膏衣冠元注明德門午門也

曉宴皇姑拜上家金錢滿賜橐駝車黃門前導飛

鞞過貂帽斜簪利市花

東風亦肯到天涯燕子飛來相國家若較內園紅

芍藥洛陽輸却牡丹花元注內園芍藥迷望亭亭直上數尺許花大如斗揚

州芍藥稱第一終不及上京也

內宴重開馬湏澆嚴程有旨出丹霄羽林衛士桓

桓集太僕龍車欵欵調

元注馬湏馬妳子也每年八月開馬妳子宴始奏起

程太僕寺掌馬者

扈從上京

周伯琦

睿思閣下瑣窗幽百寶明珠絡翠裘內署傳宣來
準備大廷盛宴允初秋

瑣窗

西都賦青瑣丹墀注漢書曰赤壁青瑣音義曰以青畫戶邊鏤中

數樹青榆延閣東雲窗霞戶綺玲瓏上林文鹿高
於馬時引黃麕碧草中

延閣

晉摯虞東晉傳論或謂官延閣裁成言事之書六典漢書府有延閣內庫書也蜀都

賦結陽城

黃麕

爾雅鹿牡麕牝鹿其子麕

紫駝峰挂葡萄酒白馬髮懸芍藥花繡帽宮人傳

旨出黃門伴送內臣家

紫駝峰

杜詩紫駝之峰出翠釜

繡帽

晉五行志魏明帝著繡帽披縹純半幅楊

阜諫曰此何法服耶帝嘿然白居易

易詩繡帽珠稠綴香衫窄袖裁

黃門

漢元帝紀罷黃

門乘輿狗馬西域傳蒲梢龍文魚目汗血之馬

充於黃門百官志黃門侍郎六百石掌侍從左

右給事中關通中外及諸

王朝見於殿中引王就坐

野濶天垂風露多白翎飛處草如波髯奴醉起傾

渾脫馬湏香甜奈藥何

白翎

白樂天讚丹腦火綴白翎雪開輟耕錄白翎雀者國朝教坊大曲也雀生於烏桓朔

漠之地雌雄和鳴自得其樂世皇命伶人製曲張憲作歌咏之曰摩訶不作堯勒聲聽奏筵前

白翎雀

夔舍重開大殿西牙符給事籍金閨伊吾日課緡

青簡揮染還看寫赫蹏

牙符

宋史紹興五年初置節度使以下金字牙符

金閨

謝朓詩既通金閨籍復酌

瓊筵醴別賦金閨之諸彥蘭臺之群英

青簡

隋江總陶貞白集序至如紫臺青簡綠帙

丹經玉版秘文瑤瓊怪潔靡不貫彼精微殫其旨趣

赫蹏

漢外戚傳武帝發函中有赫蹏

書注赫音閱薄紙也
今謂小薄物為赫蹠

北闕岩巖號穆清北山迢遞繞金城四時物色圖

丹壁翠輦時臨喜太平

岩巖

西都賦內則別風
焦巖注焦巖高也

穆清

見二十四卷

金城

史記秦王

之心以為關中之固金城之險子孫帝王
萬世之業漢地理志金城郡始元六年置

和胡士恭灤陽納鉢卽事韻 貢師泰

冰華雪翼眩西東玉坐生寒八面風巧思曾經修

月手通明元在五雲中

元注右詠
水晶殿

修月手

酉陽雜俎太和中鄭仁本遊嵩山見一
人枕一襪物呼之其人曰君知月乃七

寶合成乎月勢如丸其影則日爍其凹處常有
八萬二千戶修之因開襪有斤斧鑿數事兩累
玉屑孫觀詩手持修
月斧自控赤鯉來
通明殿名
見前

鷓斑百和作堅材翥鳳翔龍四壁開寶地曉張香

積界始知天子是如來元注右
詠香殿

鷓斑名香譜鷓鳩斑香思香積維摩經維摩居士遣八菩薩往

衆香國禮佛言願得世尊所食之餘於是香積
如來以衆香鉢盛飯與之王維詩不知香積寺
數里入
香殿輟耕錄香殿在
雲峯
宮墻西北隅

宮詞

廼賢

廣寒宮殿近瑤池千樹長楊綠影齊報道夜來新

雨過御溝春水已平堤

廣寒宮

天寶遺事明皇遊月宮見牘曰廣寒清虛之地

卽日

蘇伯衡

午門同出獨歸遲立斷銅壺漏下時添得綠荷千

萬柄雨聲強半在西池

龍池西畔苑牆橫碧樹朱亭曉望明歲歲君王深

駐輦百花香裡看春耕

龍池

鄴中記華林園中千金堤上作兩銅龍相爲吐水以注天泉池通御溝

夏日出文明門

薛瑄

文明門外柳陰陰
百轉黃鸝聽好音
行過御溝回
望處鳳凰樓閣五雲深

宮詞

史學

寶帶香襟水府仙
黃旂彩扇九龍舡
薰風十里瓊
華島一派歌聲唱采蓮

早赴北宮

趙攄

蒼龍雙闕鬱層雲
湖水鱗鱗柳色新
絕似江行看
清曉不知身是趨朝人

雙闕

曹植賦浮雙闕於太清
宋史樂志峩峩雙闕濟濟明堂

新... 入

... 水... 以... 首

... 故... 訓

... 天... 數

... 十... 里... 便

... 與... 學

... 聖... 德... 正... 雲... 采

... 文... 所... 創... 劍... 金... 百... 神... 與... 舞... 舞... 歌... 有... 公... 國... 前... 而... 四

近光集卷二十六 七言絕句

長洲汪士鋐 文升編纂

淮安程 塏 爽林叅注

海子 宋本

渡橋西望似江鄉
隔岸樓臺罨畫粧
十頃玻璃秋影碧
照人騎馬過宮墻

海子

〔記纂淵海〕海子在府西二里汪洋如海燕都游覽志海子南岸舊有海子橋

滹沱晚渡

送同年使陝西

章懋

風捲流澌晚作波
行人猶說漢滹沱
誰知天上乘

槎客不用堅冰也渡河

滹沱

寰宇記滹沱河源出代州繁峙縣東南邗阜山後漢書注在今代州繁峙縣東流經

定州深澤東南

即光武所渡處

乘槎

明河篇明河可望不可即願得乘槎一問津

渡

河

李華文沙草晨牧水河夜渡

題岱宗圖

馮時可

雲根翠律磴千盤澗壑淙淙響急湍紅日霞扶半

夜起蒼松雪積四時寒

雲根

宋孝武詩屯烟擾風穴積水濕雲根

半夜起

泰山記日觀雞一鳴時見日始

欲出長

三丈

華山

孫應鼂

玉女窗開眼倍明
仙童肅隊奏鸞笙
海雲初散蓬

萊殿人在蒼龍背上行

玉女窗

魯靈光殿賦玉女窺窗而下
視庾信賦倚弓於玉女窗扉
鸞笙李白詩兩

兩白玉童雙吹紫鸞笙

北固登望

沈懋孝

北固樓前一笛風
碧雲飛護建康宮
江南二月多

芳草春在濛濛細雨中

北固

輿地圖北固山在今鎮江府
建康治通鑑宋哲

梁武帝嘗幸此改曰北顧

建康

治通鑑宋哲

至建康注沈約曰建康本秣陵縣漢獻帝建安十六年置孫權改秣陵為建業武帝平吳還為秣陵太康三年分秣陵之水北為建業晉愍帝即位避帝諱改為建康

送胡生南歸

陳宗虞

揚子江風落暮湖瓜洲夜月起蘭橈西湖歸去三

千里家在芙蓉第一橋

瓜洲渡

方輿勝覽在江都縣南四十里江濱昔為瓜洲村蓋揚子江中之沙磧也沙漸

漲出其狀如瓜接連揚子江口比居其上唐為鎮今有石城

橫塘

范成大

柳暗閶門逗曉開半塘塘下越溪回炊烟擁柂船

船過芳草綠堤步步來

橫塘

吳郡志越來溪在越城東南與石湖通溪流貫行春及越溪二橋以入橫塘清澈可

鑒

閶門

文選注吳王闔閭立閶門象天閶闔門吳越春秋城立昌門者象天通閶闔風

也又名破楚門

題吳江垂虹橋

林鴻

雲帆秋晚過垂虹落日鯨波動遠風欲借仙家遼

海鶴月明吹笛水晶宮

垂虹橋

吳郡志利往橋即吳江長橋也慶曆八年縣尉王廷堅所建有亭曰垂虹而以

各橋續圖經云東西千餘尺前臨太湖洞庭

送章孝標歸杭州

楊巨源

曾過靈隱江邊寺獨宿東樓看海門潮色銀河鋪
碧落日光金柱出紅盆

靈隱寺

方輿勝覽靈隱寺在臨安府錢塘縣
十二里靈隱天竺兩山由一門而入

東

樓

杭州圖經東樓一名望
海樓在舊治中和堂北

望海樓

蘇軾

海上濤頭一線來樓頭指顧雪成堆從今潮上君
須上更看銀山十二回

望海樓

寰宇記樓高十八
丈唐武德七年置

雪成堆

錢塘候潮圖
八月十八日

獨大常潮遠觀數百里若素練橫江稍
近見潮頭高數丈捲雲湧雪混混庵庵

望海

殷弼

吳淞江口海門東萬里京師咫尺通白柁紅旗三

月浪紫簫花鼓午潮風

吳淞

吳郡志淞江在郡南四十五里禹貢三江之一也史記正義三江者在蘇州東南三

十里名三江口一江西南上七十里至太湖名

淞江一江東南上七十里白蜆湖名上江一江

東北下三百餘里入海名下江號三江口中吳

紀聞淞江之側有小聚落名三江口酈善長云

淞江自湖東北逕七十里至

江水分流處謂之三江口

海門

舊唐書韓滉傳造樓船戢

艦三十餘艘以舟師五千人

由海門揚威至申浦而還

早發白帝城

李白

朝辭白帝綵雲間千里江陵一日還兩岸猿聲啼不住輕舟已過萬重山

白帝城

郡國志公孫述至魚復有白龍出井中因號魚復為白帝城寰宇記公孫述據

蜀自以承漢土運故號曰白帝城

江陵

唐志江陵府江陵郡本荆州南郡天寶元年更

郡名

天平山中

予家赤山相去不五里許

楊基

細雨茸茸濕棟花南風樹樹熟枇杷徐行不記山深淺一路鶯啼送到家

天平山

吳郡志天平山在吳縣西二十里此山在吳中最高為齒峯高聳一峯端正特立

續圖經以為

吳鎮不誣也

望廬山瀑布水

李白

日照香爐生紫煙遙看瀑布挂前川
飛流直下三千尺疑是銀河落半天

香爐

遠法師廬山記東南有香爐山孤峯秀起遊雲籠其上則勢益若煙

登石鍾山望廬山

張治

廬嶽亭亭翠萬重懸泉千尺挂飛龍
石鍾山下江如鏡映出青天五老峯

石鍾山

水經彭蠡之口有石鍾山

五老峯

尋陽記五老峯形勢如河中虞郎縣

前五老山故名

望洞庭

劉禹錫

湖光秋色兩相和，潭面無風鏡未磨。遙望洞庭山

積翠白銀盤裏一青螺。

洞庭

方輿勝覽洞庭湖在岳州巴陵縣西

青螺

虞衡志青螺狀如田螺其大兩拳措摩去粗皮如翡翠色雕琢為酒杯

度梅關

伯顏

馬首經從庾嶺歸，王師到處悉平夷。擔頭不帶江

南物只插梅花一兩枝

梅關

輿地志南雄府大庾嶺上有梅關兩崖壁立舊唐書東嶠縣即大庾嶺屬韶州一名

梅嶺

白帖大庾嶺上

江南

荆州記陸凱自江南以梅一枝寄長安與

梅南枝落北枝開

蔚宗詩曰江南何所有聊贈一枝春

嶺南

汪廣洋

石鼎微熏茉莉香
椰瓢滿貯荔茭漿
木綿花落南

風起五月交州海氣涼

嶺南

初學記嶺南道者禹貢揚州之南境其地皆粵之分自嶺而南至海盡其地地理志

今蒼梧蔚林合浦交趾九真日本南海皆粵分

椰瓢

吳都賦椰葉無陰注椰樹似檳榔無

枝條高十餘尋葉在其末如束蒲實大如瓠繫
在樹頭如掛物也實外有皮如胡桃核裏有膚
膚白如雪厚半寸如猪膏味美如胡桃膚裏不
汁升餘清如水美如蜜飲之可以愈渴核作飲

器
荔支

吳都賦其果則丹橘餘甘荔支之林謝
承後漢書汝南唐羗為臨武長縣接交

州州貢荔支吳錄蒼梧多
荔支生山中人亦種之

木綿

吳都賦木則楓
柙橡梓柑欄枸

根綿杙梳櫛注木綿樹高大其實如酒杯皮薄
中有如絲綿者色正白破一實得數筋廣州日

南交趾合

交州

苗恭交廣記漢武元鼎中開拓
土境北開朔方南置交趾刺史

建安三年南陽張津為刺史交州太守士燮表
言伏見十二州皆稱曰州而交獨為交趾刺史

何天恩不平乎若普天之下可為十二州獨不
可為十三州詔報聽許拜津為交州牧太康地

記交州本屬揚州取交
趾以為名虞之南極也

蘭州

王禕

洮雲隴草都行盡路到蘭州是極邊誰信西行從此始一重天外一重天

蘭州

唐書地理志蘭州金城郡以臯蘭山名州

洮雲

漢書臨洮縣屬隴西郡水經注

洮水東流經甘根歷望曲

鎮遠道中

林子森

行盡荒林晚未休鷓鴣聲斷碧山秋逢人數問前程路九十長亭是貴州

鎮遠

一統志禹貢荊州南境舊為堅眼大田溪洞元初置鎮遠沿邊溪洞招討使後改為

鎮遠府其地有鎮
遠河在府城內

獻壽詞

王涯

宮殿參差列九重祥雲瑞氣捧階濃微臣欲獻唐

堯壽遙指南山對袞龍

唐堯壽

莊子堯觀乎華華封人祝曰使聖人壽使聖人富使聖人多男子

南山

王融曲水詩序上陳景福之賜下獻南山之壽

袞龍

東都賦盛三雍之上儀修袞龍之法

霓裳詞

王建

勅賜宮人澡浴回遙看美女院門開一山星月霓

裳動好字先從殿裏來

朝元引四首

陳陶

帝燭熒煌下九天蓬萊宮曉玉爐煙無央鸞鳳隨

金母來賀薰風一萬年

金母

太平廣記西王母者九靈太妙龜山金母也生於神州伊川厥姓侯氏與東王公共理二氣男子得道名隸木公女子得道名隸金母

玉殿雲開露冕旒下方珠翠壓鰲頭天雞唱罷南

山曙春色先歸十二樓

天雞

爾雅鶡天雞注鶡雞赤羽晉書天文志狗國北二星曰天雞主候時元中記桃都山

有大樹曰桃都枝相去三千里上冇天雞
日初出照此木天雞即鳴天下雞皆隨之
十二

樓封禪書黃帝時為五城十二樓以候神人

萬宇祥靈擁帝居東華元老薦屠蘇龍池遙望非

煙拜五色瞳矐在玉壺

東華

夢溪筆談學士初拜自東華門入至左屠承天門下馬梁簡文詩總轡息東華

蘇

荆楚歲時記正月一日是三元之日也長幼以次拜賀進屠蘇酒非煙史記若煙

非煙若雲非雲郁郁紛紛蕭索綸困是謂卿雲玉壺辛延年詩就我求清酒絲繩提玉壺

寶祚河宮一向清龜魚天篆益分明近臣誰獻登

封草五嶽齊呼萬歲聲

龜魚

初學記宋均注孝經援神契曰倉頡視龜而作書則河洛之應與人意所惟通矣岑

文本奉述飛白書

勢詩

拂素起龍魚萬歲武帝記登中嶽太室從官在山下聞若有言萬

歲云

宮詞

王建

金殿當頭紫閣重仙人掌上玉芙蓉太平天子朝

元日五色雲車駕六龍

仙人掌

武帝紀作栢梁銅柱承露仙人掌之屬注仙人以手掌擎盤承甘露也

玉

芙蓉

三體唐詩注玉芙蓉玉盃也古人挹注之器多作芙蓉如華清池中玉芙蓉是也

太平

漢食貨志三登曰太平

蓬萊正殿壓金螭紅日初生碧海濤開著五門遙

北望赭

一作 柘

黃新帕御牀高

赭黃

唐書車服志高祖以赭黃袍巾帶為常服既而天子袍衫俱用赭黃遂禁臣民服

御牀

晉書帝登尊號命導升御牀共坐導固辭

龍煙日暖紫重重宣政門當玉殿風五刻閣前卿

相出下簾聲在半天中

宣政門

唐儀衛志百官序班於通朝觀象門南入宣政門文班自東武班自西

五

刻

按唐書儀衛志朝罷皇帝步入東序門然後放仗內外仗隊七刻乃下常參輟朝六刻即

下姚合寄令狐相公詩云拜表出時傳七刻此詩云五刻蓋言罷朝早也

宮詞

顧况

玉樓天半起笙歌
風送宮嬪笑語和
月殿影開聞
夜漏水晶簾捲近秋河

月殿

謝莊月賦去燭房即月殿蕭子良詩月殿風轉層臺氣寒

水晶簾

見秋

河

謝眺詩秋河曙耿耿

昭陽曲

劉長卿

昨夜承恩宿未央
羅衣猶帶御爐香
芙蓉帳小雲
屏暗楊柳風多水殿涼

芙蓉帳

鮑照詩七絲芙蓉之羽帳九華蒲萄之錦衾

雲屏

七命雲屏瀾汗瓊壁

青葱

宮詞

廼賢

瓊島峒堯內苑西爛熳綺石甃清漪御牀不許紅
塵到黃幔長教罕地垂

瓊島

輟耕錄萬歲山在大內西北
太液池之陽金名瓊花島

萬壽節同宋太常弘道出左掖門口號三

首

選

王惲

禁漏穿花夜已央宮槐籠曉色蒼蒼殷勤一點東
華日先到紅鸞扇影光

花映巖廊近紫宸宮官行酒過三巡共携滿袖香
煙出散作都城十日春

紫宸

唐書百官志起居舍人秉筆隨宰相入殿若仗在紫宸內閣則夾香案分立殿下直

第二螭首

會要龍朔三年四月

宮官

周禮宮正掌王宮之

始御紫宸殿聽政百寮奉賀戒令糾禁以時比宮中之官府次舍之衆寡

奉和聖製幸韋嗣立山莊應制

李嶠

萬騎千官擁帝車八龍三馬訪仙家
鳳凰原上窺青壁鸚鵡杯中弄紫霞

鳳凰原

唐詩記事韋嗣立營構別業於驪山鳳凰原漢延光二年鳳凰集新豐卽此原

也

鸚鵡杯

酉陽雜俎梁宴魏使魏肇師舉勸嬰鸚鵡杯徐君房飲不盡肇師曰海蠡蛇

蜒尾翅皆張非以為玩亦以為罰今日不得辭

腹視似鸚

鵲故名

奉和幸韋嗣立山莊應制

沈佺期

東山朝日翠屏開北闕晴空綵仗來喜遇天文七

曜動少微今夜近三台

七曜

穀梁傳七曜為之盈縮

少微

晉書少微四星在太微西

士大夫之位也一名處士亦天子副主

駕幸新豐溫泉宮獻詩三首

上官昭容

三冬季月景隆年萬乘觀風出灞川遙看電躍龍
為馬迴矚霜原玉作田

電躍

王褒聖主得賢臣頌追奔電逐遺風
庾信馬射賦尚帶流星猶乘奔電

龍為

馬

洞冥記脩彌國有馬如龍騰虛逐
日庾信春賦馬是天池之龍種

鸞旂掣曳拂空迴羽騎驂蹕躡景來隱隱驪山雲
外聳迢迢御帳日邊開

鸞旂

漢書鸞旂在前屬車在後

翠幕珠帷敞月營金罍玉學泛蘭英歲年年常
扈蹕長久久樂昇平

聖上西巡歌

韓邦靖

邊軍隨駕盡鷹揚馬上文臣亦武裝雲繞旌旗來

五柞春隨簫鼓到長楊

五柞

三輔黃圖漢離宮中有五柞木因名

長楊

劉孝綽詩罷籍睢陽囿陪謁五柞宮
張安世傳張放為侍中中郎將寵愛殊絕常從
微行北至甘泉南至長楊五柞東方朔傳南獵
長楊東
遊宜春

望闕口號

劉仔肩

閶闔排雲寶殿開千官
鵷鷺早朝回不知誰獻王
褒頌得奉君王萬壽杯

鵷鷺

隋書音樂志懷黃綰白鵷鷺成行梁簡文帝南郊頌塵清世晏蒼兕無用其武功接

武龍夔鵷鷺

咸修其文德

王褒頌

漢書王褒傳太子喜褒所為甘泉及澗蕭頌令後宮

皆頌之

南郊

陸宸

紫壇雲霧切三台玉趾將臨畫鼓催列炬照天馳
道遠佩聲遙自半天來

南郊

禮記郊之祭也迎長日之至也大報天而主日也北於南郊就陽位也

紫壇

北堂書鈔漢舊儀云皇帝自行群臣從齋皆百

日紫壇幄帷高皇帝配天居堂下西向組帷帳

紺 **三台** 晉書天文志三台六星兩 **玉趾** 左傳寡

席 **三台** 兩而居起文昌列抵太微 **玉趾** 君聞君

親舉玉趾以 **列炬** 杜氏通典祭日之辰王所過

辱於敝邑 **列炬** 處之人各於田首設燭以照

於路 注所謂鄉為田燭 **馳道** 秦始皇紀二十七

以王出時尚早故也 **馳道** 年賜爵一級治馳

道 注馳道 **馳道** 天子道也

天子道也 **馳道** 年賜爵一級治馳

仙韶隱隱落空濛壇下傳呼拜舞同知是燔柴禮

初獻沈香火起燭天紅

燔柴 禮記燔柴於

泰壇祭天也

王評事駙馬花燭詩

盧綸

萬條銀燭引天人十月長安半夜春步障三千隘

將一作無斷幾多珠翠落香塵

步障晉書崇與貴戚王愷羊琇之徒以奢靡相尚愷作紫絲布步障四十里崇作錦步障

五十里以敵之東京夢華錄公主出降設儀仗行幕步障

比翼和鳴雙鳳凰欲棲金帳滿城香平明卻入天

泉裏日氣瞳瞳五色光

比翼爾雅鵜鵜比翼又南方有比翼鳥不比不飛其名謂之鵜鵜徐陵賦天下真成長合

會無勝比翼兩鴛鴦天泉潘尼上巳詩澹澹天泉載綠載浮

奉和聖製同玉真公主遊大哥山池題石

壁

張說

池如明鏡月華開
山學香爐雲氣來
神藻飛爲鵲
鵲賦仙聲颺出鳳皇臺

鵲鵲賦

唐明皇有鵲鵲頌

夜宴安樂公主宅

沈佺期

濯龍門外主家親
鳴鳳樓中天上人
自有金杯迎
甲夜還將綺席代陽春

贈長垣宗室

邊貢

瑤室青編萬卷餘
宮中誰道日閑居
家臣昨夜長

安去猶向君王乞秘書

待漏院吟

劉鄴

玉堂簾外獨遲遲
明月初沈勘契時
閑聽景陽鍾
盡後宮鶯飛上萬年枝

勘契

夢溪筆談大駕鹵簿中有勘箭如古之勘契也其牡謂之雄牡箭牝謂之闕仗箭灑

水燕談錄舊制郊禮成駕還闕門有勘契之儀
萬年枝
謝朓詩風動萬年枝日華承露

掌沈約詩高梨有繁露何減萬年枝

夜景又作

鄭畋

鈴條無響閉珠宮
小閣涼添玉蘂風
枕簟滿床明

月到自疑身在五雲中

鈴條

見一卷院鈴注

早朝詩

楊子器

九重天上六龍飛御氣網縕拂太微鳳閣西頭明月在清光還照侍臣衣

六龍

易經時乘六龍以御天

太微

晉書天文志太微天子之庭也五帝之座也幽

通賦出紫宮之肅肅兮入太微之閶闔

鳳閣

謝靈運詩朝遊登鳳閣日暮集華沼鮑照

序鳳閣起

于漢京

綵雲飛繞鳳凰樓簾捲屏開見玉旒西殿鐘聲朝

已落滿天星斗未曾收

玉旒

禮記天子之冕朱綠藻十有二旒注以朱綠二色之絲為繩貫玉而垂于冕以為旒

回朝即事

袁敬所

赤闌紅映夕陽齊蹀躞天驕度石嘶近侍報來應
鎖閣乘輿又過御橋西

蹀躞

梁元帝紫騮詩依槐復依柳蹀躞復隨前

春日早朝

張籍

曉陌春寒朝騎來瑞煙深處見樓臺夜來新雨沙
堤溼東上閣門應未開

沙堤

國史補宰相禮絕班行府縣載沙填路自私第至於城東街路故號曰沙路

早至闕下候朝

高啓

月明立傍御溝橋半啓宮門未放朝
騶吏忽傳丞

相至火城如晝曉寒銷

火城

國史補每元日冬至立仗大官皆以樺燭擁馬有至五六百炬謂之火城宰相火城

至則衆撲滅避之

祕省後廳

白居易

槐花雨潤新秋地桐葉風飄欲雨天
盡日後廳無一事白頭老監枕書眠

宮詞

王建

集賢殿裏圖書滿點勘頭邊御印同真跡進來依

數字別收鎖在玉函中

集賢殿

唐書張說傳帝名說與禮官學士置酒集仙殿曰朕今與賢者樂於此當遂為

集賢殿韓昌黎送鄭校理序秘書御府也天子猶以為外且遠不得朝夕視始更聚書曰集賢

殿蕭何傳沛公至咸陽何先入收秦丞相御史律令圖書藏之歸田賦咏周孔之

圖書

千牛仗下放朝初玉案傍邊立起居每日進來金

鳳紙殿頭無事不教多一作書

千牛仗

唐志左右千牛衛上將軍各一人大將軍各二人將軍各二人掌侍衛及供衛

兵起居

唐志起居郎二人掌錄天子起居法度天子御正殿則起居左舍人居右

紙

舊唐書觀綸言於鳳紙若面丹墀認御札於龍衣如親翠蓋

王雲

近光集卷二十七 七言絕句

長洲汪士鋐 文升編纂

宛平李本滋 雲根叅注

左掖作 高啓

小殿珠簾散柳絲東宮初退講筵時不材未敢修
封事把筆閑題應教詩

封事〔杜甫掖省詩〕明朝有封事數問夜何如

苑中寓直記事四首 夏言

水風清透芰荷香含景庭中捧御床朱箔黃簾垂

四面銀燈寶炬列千行

寓直

世說桓立時纂將改置直館問左右虎賁中郎將省合在何處有人答云無省當時

殊迕旨問何以知無答曰潘岳秋興賦序云兼虎賁中郎將寓直於散騎之省立咨嗟稱善

湧玉亭前放夜舟碧荷香靜雨初收遙看北岸紅

煙裏水殿珠簾盡上鉤

黃金盤子熱龍涎波向風來香滿船銀燭光搖簾

影細水晶宮裏夜朝天

金盤

岑參詩水雲低綺席柳岸拂金盤徐夔詩拜捧金盤獻越王

龍涎

裨史彙編

諸香中龍涎最貴出大食國近海常有雲氣罩住山閒即知有龍睡其下或半年或二三年候

雲氣散知龍已去
往觀之必得龍涎

新賜文舟注碧瀾扣舷容與得奇觀菱蒿簇簇團
花錦荷蓋亭亭翠玉盤

扣舷

江賦忽忘夕而宵歸咏采菱以扣舷

容與

九章船容與而不進兮淹回水而疑

滯

題石睿學士圖

徐霖

歸來廐馬踏堤沙回首彤樓路漸賒遙想禁門金
鎖合一庭月浸紫薇花

禁直三首

唐敏

武樓高迴接迴廊繡妥盤龍護御床得侍至尊論

治道祥風微裊水沉香

水沉香

南史林邑國傳沉水香者土人斫斷積以歲年朽爛而心節獨在置水中則沉

故名曰沉香

天門旭日炫新晴鳳髓龍香研墨清親見君王書

草字蛟龍吹雨雜風聲

天門

史記蒼帝行德天門為之開漢書郊祀歌天門開詠蕩蕩

旭日

詩經旭

傅休奔詩逸景何晃晃旭日照萬方

蛟龍

庾信趙國公序熊熊且上層城抱日月之光燄

燄宵飛南斗觸蛟龍之氣

金輿曉駐武英傍孔雀屏開御褥香今代瀛洲最
多士賜題吟得進君王

金輿

太元經土中其廬設於金輿注五以中和之德而處金輿之位出命令以御臣下所

謂君子得車尚可載也庾肩吾詩入徑轉金輿開橋通畫鷁

孔雀屏

杜甫詩屏開金

孔雀

題中書壁

王安石

夜開金鑰詔詞臣對御抽毫草帝綸須信朝家重
儒術一時同膺用三人

抽毫

月賦抽毫進牘以命仲宣李白詩待詔奉明主抽毫頌清風

帝綸

禮記王言

如絲其出如綸注言言出彌大也綸今有秩嗇夫所佩

閣下晝眠

蔡襄

急雨初收宮殿明紅薇花落暑風清忽傳午漏驚

殘夢寂寂西軒喜鵲聲

午漏

唐書李德裕傳德裕在位雖遽書警奏皆從容裁決率午漏下還第姚合詩樹裏鳴

蟬咽官中

午漏長

玉堂閑適圖

王惲

醉岸烏紗殿影東宮花低映酒波紅興來草罷長

楊賦獨占高槐灑晚風

烏紗

〔晉書輿服志〕成帝咸和九年制聽二宮直官著烏紗帽〔唐書車服志〕烏紗帽者視朝

及宴見賓客之服也〔李太白贈烏紗帽詩〕領得烏紗帽全勝白接羅

長楊賦

揚雄從至

射熊館還

上長楊賦

夏日閣中入直三首

周伯琦

金鋪蹲獸鑰銜魚碧樹沉沉白玉除畱後命嚴番

直肅五雲深處掌圖書

金鋪

〔蜀都賦〕金鋪交映玉題相輝

蹲獸

〔裴素唐重修漢未央宮記〕蹲獸却騁姿雄

欄檻魚鑰

〔丁用晦芝田錄〕鑰必以魚者取其不瞑目守夜之義

水盤堆果進流霞中秘繙餘夕景斜晝舫逕從圍

殿過鳳麟洲上數荷花

冰盤

韓文公詩水盤夏薦碧寶脆

流霞

拾遺記神農時有流雲酒液是謂霞漿服

之得道後

中秘

魏書禮志高問議以為宜並集天而老中秘羣儒人之別議擇其所長

常衮詩穆穆上清居沈沈中秘書

畫舫

爾雅舫舟也藝文類聚龍舟大舟也刻為龍文

以飾之鷁水鳥也畫其象著船首於舟中吹籟與竿以相為樂

鳳麟洲

十洲之一

流觴小殿曲闌縈波影簾櫳浸繡楹靜晝敲棋中

貴語君王避暑在開平

流觴

洛陽伽藍記春風扇陽花樹如錦絲桐發響羽觴流行蘭亭記引以為流觴曲水

繡楹

西京賦雕楹玉碣繡栴雲楹

中貴

史記李廣傳天子使中貴人從廣擊匈奴

〔注〕內官之
幸貴者

被詔直內閣卽事二首

胡儼

清曉朝回秘閣中
坐看宮樹露華濃
綠窗朱戶圖書滿
人在蓬萊第一峯

內閣

〔瑣綴錄〕永樂初選翰林文學之臣六七人直文淵閣參典機務詔冊制誥皆屬之〔又〕

文淵閣本翰林內署故朝廷宣召諸事文移止稱翰林院或稱會同翰林院堂上官不以內閣名
秘閣〔魏志〕王基傳司徒王朗辟基凌不遣朗走劾州曰凡家臣之良則升于公輔公

臣之良則入于王職今州取宿衛之臣留秘閣之吏所希聞也〔南史〕謝靈運傳靈運為秘書再召不起使光祿大夫范泰與書敦獎乃出使整秘閣書遺闕

浩蕩東風雨散絲暗移春色上花枝雲陰半卷龍

樓晚正是詞臣退直時

龍樓

漢書成帝紀帝為太子居桂宮上嘗急召出龍樓門不敢絕馳道注門樓上有銅龍

若白鶴飛廉之為名也南史顧越傳文宗學府廉潔正人當趨奉龍樓晨游夕論

鰲峰

國史院庭中石名

馬祖常

視草堂深白晝遲瀛洲仙子到來時閣鈴不響文

書靜相對鰲峰日賦詩

宮詞

花藥夫人

金井秋啼絡緯聲出花宮漏報嚴更不知誰是金

鑾直玉宇沈沈夜氣清

因夢得題公垂所寄蠟燭因寄公垂

白居易

照梁初日光相似出水新蓮艷不如却寄兩條君

領取明年雙引入中書

元注宰相入朝舉雙燭餘官各一

照梁

神女賦其始來也耀乎若白日初出照屋梁

新蓮

孫登詩弱柳垂江翠新蓮

夾岸紅簡文帝采蓮賦迴渡輕船共采新蓮
梁元帝賦照流風之迴雪映出水之初蓮

喜楊舍人入翰林

盧肇

御筆親批翰長銜夜開金殿送瑤緘平明玉案臨

宣室已是龍光出傅巖

御筆

北史帝令勰為露布勰曰臣聞露布者布於四海露之耳目以臣小才豈足大用帝

曰汝亦為才達但可為之及就尤類帝文有人見者咸謂御筆

翰長

唐書沈傳師傳翰長

缺承旨次當傳師穆宗欲面命辭曰學士院長叅天子密議次宰相臣自知不能願治人一方

為陛下長養之因稱疾退

玉案

晉書石季龍載記以宮人為女官門下通事以玉案行文

書楚漢春秋韓信曰漢王賜臣玉案之食

宣室

賈誼傳文帝方受釐坐宣室上因感鬼神

事而問鬼神之本東方朔傳夫宣室者先帝之正處也非法度之正不得入焉

傅巖

經

說築傅巖之野惟肖傅氏之巖在虞號之界通道所經水壞道使胥靡刑人築護此道說賢

而隱代胥靡築之以供食漢書敘傳殷說夢發於傅巖周望兆動於渭濱

賀李昌時禁苑新命

唐彥謙

振鷺翔鸞集禁閒玉堂珠樹瑩風儀不知新到靈

和殿張緒何如柳一枝

靈和殿

三齊略記曰劉俊之為益州刺史獻蜀柳數枝條甚長狀若絲縷武帝植於太

昌靈和殿前常翫嗟之曰楊柳風流可愛似張緒當年其見賞如此

代秘書贈弘文館諸校書

李商隱

清切曹司近玉除比來秋興復何如崇文館裏丹

霜後無限紅梨憶校書

秘書

唐六典秘書省監一人少監二人丞一人秘書郎四人武德初置修文館武德未改

為弘文館校書郎二人

崇文館

杜氏通典唐置崇賢館屬左春坊後避皇太子諱改

為崇文館其學士例與弘文館同

贈李翼

韓翊

王孫別舍擁朱輪不羨空名樂此身門外碧潭春
洗馬樓前紅燭夜迎人

王孫

戰國策莊辛曰黃雀自以為無患也不知夫王孫公子左挾彈右攝丸將加已乎十

仞之上 蘇詞王孫遊兮
不歸春草生兮萋萋

朱輪

漢書劉向傳王氏一姓乘朱輪華轂

者三十人

贈張千牛

韓翊

蓬萊闕下是君家上路新迴白鼻騮急管盡吹平

樂酒春衣夜宿杜陵花

千牛

通典千牛刀名後魏有千牛備身掌職御刀因以名職

平樂

呂延濟曰平樂

館名薛綜曰平樂館大作樂處也

杜陵花

宋之問詩涇水橋南柳欲黃杜陵城北花

應滿水經注下杜城應劭曰故杜陵之下聚落也故曰下杜門長安志下杜城在長安縣南一

十五里秦杜縣宣帝修杜之東原為陵曰杜陵

和裴相公南莊

白居易

陶廬僻陋那堪比謝墅幽微不足攀何似嵩峯三

十六長隨申甫作家山

陶廬陶潛詩吾亦愛吾廬謝墅沈約宋書靈運父祖並葬始寧縣并有故宅及墅遂

修營舊業極幽居之美 申甫詩經崧高惟嶽峻極于天惟嶽降神

靈運有過始寧墅詩 生甫及申初學記嵩高山者五嶽之中嶽也釋名云嵩字或為崧山大而高曰嵩

寄尉遲侍御 李昭象

我眠青嶂弄澄潭君戴貂蟬白玉簪應向謝公樓

上望九華山色在西南

貂蟬齊書周盤龍傳盤龍表年老才弱不可鎮邊世祖戲之曰卿著貂蟬何如兜鍪盤龍

日此貂蟬從兜鍪中出耳唐書百官志顯慶二年分散騎為左右隸門下中書金蟬珥貂玉

簪劉孝威詩玉簪久落鬢羅衣常掛屏謝公樓文選謝惠連有泛湖歸出樓中翫月

詩謝靈運有登池上樓詩李善注永嘉郡池上樓季白詩過客難同謝朓樓張九齡詩謝公樓上好九華山季白九華山詩序青陽縣南有九醇酒九華山華山高數十丈上有九峯如蓮華按圖徵名無所依據余乃加以九華之日劉禹錫九華詩序九華山在池州九峯競秀神采奇異予昔仰太華以爲此外無奇愛女几荆山以爲此外無秀今見九華始悼前言之容易也

題城南杜郊公林亭

温庭筠

卓氏壚前金線柳隋家堤畔錦帆風
貪爲兩地分霖雨不見池蓮照水紅

卓氏壚

史記相如與文君俱之臨邛買酒舍令文君當壚

隋家堤

開河記大

業年間開汴河築堤自大梁至灌口龍舟所過香聞十里既過雍丘漸達寧陵水勢緊急龍舟

阻碍虞世基請為鐵脚木鷺驗水深淺自雍州至灌口得一百二十九淺處今亦名隋家堤

錦帆 煬帝幸江都舳舻相繼自大堤至維口錦帆不絕見通鑑霖雨書經若歲大旱

用汝作霖雨

送汪僉事之湖南

陸粲

驄馬長鳴飲碧流花銀鏤帶鸚鵡裘行人大別山

頭望雲外雙旌下鄂州

鸚鵡裘 博物志鸚鵡飛則隕霜其羽可為裘以辟寒徐彥伯詩贈君鴛鴦帶因以鸚鵡

裘 大別山 書經又東為滄浪之水過三澨至于大別唐書地理志壽州霍山縣有大

別干道山川攷史記索隱云在安豐縣薛氏曰在漢陽左傳楚拒吳濟漢而陣自小別至於大

別

鄂州

唐書地理志
鄂州江夏郡

送人入蜀

陸粲

樓船振柁浪花生百丈雙牽黛色明
夾岸兒童齊笑語嘉陵江似使君清

樓船

孫楚書樓船萬艘千里相望李白詩將軍
出使擁樓船江上旌旗拂紫烟杜甫詩太

常樓船
聲嗷嘈

嘉陵江

水經注漢水南入嘉陵江山水假吳道
明皇忽思嘉陵江山水假吳道

子驛遞往寫及回曰臣無粉本並記於心即命
於大同殿寫之嘉陵江三百餘里山水一日而
就

勸農

章嘉楨

溪遙千嶂朝含雨竹杪一鳩千喚晴雲漏日明油
壁暖吏人打鼓勸農耕

喚晴

按沈與求詩墻陰旱渴休無賴自有鳴鳩解喚晴蓋鳩鳴則晴也

油壁

無名

氏歌我乘油壁車季賀詩油壁車久相待

奉使高麗過平州館

張翰

昨日龍泉已自奇一峯寒翠壓簷低兼并未似平

州館屋上層巒屋下溪

平州館

史記朝鮮傳封峽為平州侯括地志高驪都平壤城本漢樂浪郡王險城

送顧太史冊封朝鮮

王士騏

蔥秀山頭麗曉色鮮月明茅屋麗漢江船登臨縱

發揮毫興莫許陪臣有和篇

朝鮮

史記注張晏曰朝鮮有比水洌水汕水三水合為洌水疑樂浪朝鮮取名於此也正

義潮仙

二音

翰林故事莫盛於唐宋聊述舊聞八首

袁桷

禁鐘初動趣傳宣衣袖熏香到御前漸近宮前扶

下馬內官分別導金蓮

金蓮

唐書令狐綯傳綯為翰林承旨夜對禁中燭盡帝以乘輿金蓮華燭送還吏望見以

為天子來及縉至皆驚宋史蘇軾傳軾嘗鎖宿禁中宣仁后命坐賜茶徹御前金蓮燭送歸院

御筆圓封草相麻龍牋香透擁金花儀鸞勅設庭

前候賜酒方終更賜茶

草麻唐書百官志開元二十六年改翰林供奉為學士別置學士院專掌內命凡拜免將

相號令征伐皆用白麻其後選用益重而禮遇益親至號為內相翰林志故事中書舍人專掌

詔誥開元始置學士大事直出中禁不由兩省凡制用白麻紙誥用白藤紙書用黃麻舊唐書

韋弘景傳普潤鎮使蘇光榮為節度使弘景草麻漏敘光榮之功罷學士宋史應籛傳帝一夕

召籛草麻夜四鼓五制金花箋鄴侯家傳李泌

皆就帝由是奇其才和節詩於金花箋上及中和賜詩果如之其花箋上花雲皆夢所見者樂史李翰林外集序天

寶中李白供奉翰林時禁中木芍藥花開上賞
之命李龜年持金花箋宣賜白為清平調樂詞
三章玉海淳化元年以草書書龍
鳳金花箋及紈扇賜王公近臣

制草塗鴉未敢刪內璫宣引侍龍顏已分筆格金

蟾滴更賜端溪紫研山

塗鴉

盧仝詩塗抹詩書如老鴉

內璫

後漢書輿服志侍中中常侍加黃金璫附蟬為

文貂尾為飾宦官傳論改以

筆格

玉堂雜記草后妃太子宰

相麻至便殿上諭以除授之意御前列金器如
硯匣壓尺筆格糊板水滴之屬幾二百兩既書

隨以賜之吳筠筆格賦其負霜合

金蟾滴

張雨詩濡

豪歷蟾滴挂
頰揮魚頰

端溪

唐書地理志康州晉康郡本南康州武德六年析端州之

端溪置詳見二
十四卷硯詩
研山
吳郡圖經續記研石山在吳縣二十一里山西有石

鼓亦名石鼓山其石可以
為研研石之名不虛也

春帖分裁閣分多宮娥爭餽纈綃羅青絲菜并銀

盤送幡勝新題墨旋磨

春帖
宋史歐陽修傳在翰林日仁宗一日見御閣春帖子讀而愛之問左右對日歐陽修

之辭乃悉取宮中諸帖閱之嘆日
舉事不怠規諫真侍從之臣也
青絲菜
按陳師道

立春詩高門肯送青絲菜陸游詩春盤未抹青絲菜蓋亦當時五辛盤之類

文思如泉湧墨林屏風院吏不須尋舊時內相諸

孫在猶有當年埽閣金

湧泉

後漢書馬援傳謀如湧泉勢如轉規詩品陸機源出陳思才高辭贍其咀嚼英華厭

飲膏澤真文章之淵泉也內相見前

入院聽宣席天温賜金已向案頭存

元注故事入院傳旨宴賜

葉金十兩始草制

清晨上馬還家去內出黃麻付閣門

黃麻

唐會要開元三年十月始用黃麻紙寫詔至上元三年詔制勅並用黃麻紙

清馥香温酒玉脂祝文已撰報都知夜來奉旨傳

丞相五朶雲濃押省咨

盤雕暈錦是冬衣鴿炭初生酒力微聞道邊臣風

雪苦口宜臘藥布皇威

鴿炭

老學庵筆記故都時御爐炭率斲作琴樣胡桃紋鴿鴿青紹興初巡幸臨安詔嚴州

進炭止令用土產勿拘舊制

恩賜龜紫二首

陸游

憶昔青衫上赤墀
領間未有一莖絲
豈知晚拜金

龜賜却是霜髯雪鬢時

青衫

元稹詩青衫玉貌何處去安得紅旂遮白日唐書儀衛志凡五路皆有副駕士皆平

幘大口絛衫從路

金龜

曹植文金龜紫綬以彰勛則

色玉路服青衫

已挂朝衣神武門
暫紆紫綬拜君恩
兒孫賀罷還

無事雨笠煙簑自灌園

神武門

晉書陶弘景挂冠神武門

紫綬

漢書百官表相國丞相皆金印紫綬太尉

金印紫綬御史大夫銀印青綬成帝元年更名大司空金印紫綬太傅金印紫綬唐書輿服志

侍中中書令加貂蟬佩紫綬

灌園

列女傳楚王欲以子終為

漢官儀公侯皆紫綬傅龜相入告於妻妻曰亂世多患於是相與逃而為人灌園

送宋學士

史靖可

君王親為計歸程
幾日携家出鳳城
江上春來有風浪
扁舟好向裏河行

登封大酺歌二首

盧照鄰

明君封禪日重光
天子垂衣曆數長
九州四海常

無事萬歲千秋樂未央

封禪

史記五帝紀萬國和而鬼神山川封禪與為多焉

日重光

古今注漢明帝

為太子樂人作歌詩四章曰日重光月重輪星重輝海重潤摯虞賦明景日以鑿形兮信煥耀

而重光

垂衣

易經黃帝堯舜垂衣裳而天下治蓋取諸乾坤

日觀仙雲隨鳳輦天開瑞雪照龍衣
紫絃綺席方終夜妙舞清歌歡未歸

仙雲

初學記袁崧後漢書曰光武封泰山雲氣成宮闕

灤京襍詠

楊允孚

麗日初明瑞氣開千官錫宴集蓬萊黃門控馬天

街立丞相簪花御苑回

黃門

元帝紀罷黃門乘輿狗馬西域傳蒲梢龍文魚目汗血之馬克於黃門

天街

高適詩自從拜郎官列宿煥天街

韓愈詩天街小雨潤如酥

簪花

宋史禮志淳熙元年

文武百寮並簪花赴文德殿上太上皇壽輿服志郊祀明堂禮畢回鑾臣僚及扈從並簪花恭

謝

御苑

沈佺期詩酒瑞天庭裏驚春御苑中

錦衣行處俊猊習詐馬筵前虎豹良特敕雲和罷

絃管君王有意聽堯綱

元注詐馬筵開盛陳奇獸宴享既具必一二大臣稱

吉思皇帝禮撒於是而後禮有文飲有節矣雲和署肆儀鳳司樂掌天下樂工

俊猊

爾雅俊猊如麋貓食虎豹郭璞註俊猊即獅子也

千官萬騎到山椒箇箇金鞍雉尾高下馬一齊催

入宴玉闌干外換紅袍元注每年六月三日詐馬筵千官以雉尾飾馬入宴

山椒月賦菊散芳于山椒雁流哀于江瀨謝靈運詩鳴笳發春渚稅鑾登山椒按首句不

起韻寧用隻字為妥二蕭四豪聲音相近尤不可混

詐馬宴上京作

宋鑿

寶馬珠衣樂事深只宜晴景不宜陰西僧解禁連

朝雨清曉傳宣趣賜金

詐馬筵葉奇草木子北方有詐馬筵其筵之盛也諸王公貴戚子弟競以衣馬華侈相

尙

觀郊禮

司馬禮

鐘鼓旌旗引六飛
玉皇初著畫龍衣
泰壇煙盡星河曉
萬國心隨綵仗歸

是年五月扈從上京學宮紀事十首

選四

周伯琦

曾薨複閣接青冥
金色浮圖七寶楹
當日熙春今

避暑灤河不比漢昆明

右詠大安閣故宋汴熙春閣也遷建上京

浮圖

見二十二卷

七寶

蕭子良文菩薩如意堅強所期者大不以為苦故得自然

宮殿七寶房舍早得成佛吳道子畫佛詩西方真人誰所見衣被七寶從雙狡

灤河

一統

志在雲州徑北六十里發源炭山水井飛泉
合為此河北流經古檀州南下流入開平界

明漢書昆明國有池方二百里武帝欲伐昆明作池以象之以習水戰

鏤花香案錯珠璆金甕蒲萄大白浮群玉諸山環

御榻瑤池只在殿西頭右詠洪禧殿

蒲萄博物志西域有蒲萄酒浮白淮南子魏文侯觴諸大夫於曲陽卷重舉白而

進之曰請浮君漢班固敘羣玉山海經玉山西王母所居郭璞

傳注白者罰酒之名也
曰此山多玉石穆天子傳謂之羣玉之山

崩題仁壽睿思東星列鉤陳繡閣重中使三時羞

玉食地涼不用暑衣供

仁壽

魏明帝詔自吾建承露盤以來甘露降於仁壽殿禁扁仁壽在萬歲山下

睿思

張翥詩睿思殿中萬幾暇縹帶犀籤閱名畫

鈞陳

庾信馬射賦玉衡正而泰階平聞闔

開而鈞

玉食

書經惟辟玉食

延閣圖書取次陳講帷日日集儒臣墨池雲合天

光絢東壁由來近北辰

右詠宣文閣

墨池

王右軍事李白歌墨池飛出北溟魚

宣文閣

元史至正初許有壬進講明仁

殿帝悅賜酒宣文閣中至正元年改奎章閣為宣文閣

宮詞

王建

延英引對碧衣郎江研宣毫各別牀天子下簾親

考試宮人手裏過茶湯

延英

唐六典大明宮宣政殿之左曰東上閣右曰西上閣次西曰延英門其內之左曰延

英殿右曰

含象殿

寄王侍郎放榜

劉禹錫

禮闈新榜動長安九陌人人走馬看一日名聲徧

天下滿城桃李屬春官

禮闈

南部新書唐大中以來禮部放榜歲取二三人姓名稀僻者謂之色目人亦號榜花

春官

周禮春官宗伯曰禮官之屬

喜張瀆及弟

趙嘏

九轉丹成最上仙
青天暖日踏雲軒
春風賀喜無
言語排比花枝列杏園

九轉丹

真誥仙道有九轉神丹服之化爲白鶴
天眞夫人傳仙方有九品其七名爲九

轉霜雪

雲軒

七命中雲軒踐
朝霧赴春衢

擢探花使

翁承贊

洪崖差遣探花來
檢點芳叢飲數杯
深紫濃香三百朶
明朝爲我一時開

洪崖

神仙傳衛叔卿與數人博其子問向
與博者爲誰叔卿曰是洪崖先生

輦下曲

張昱

文明天子念孤寒科舉人材兩榜寬別殿下簾親策試唱名纔了便除官

兩榜

元史蒙古色目人作一榜漢人南人作一榜第一名賜進士及第從六品第二名以下及二甲以上皆正七品第三

甲以下皆正八品兩榜並用

殿試和李參政韻

馬祖常

五雲天近晝香殘紅白花枝滿藥闌一夜東風吹

小雨殿頭持卷隔簾看

玉堂讀卷雜賦次韻

虞集

待漏宮門聽鑰開袖中進卷總賢才奏名殿裏千

花合傳勅階前好雨來

千花覆檻柳垂絲
晝刻傳呼淑景遲
聖主自觀新
進策侍臣簪筆立多時

簪筆

漢張安世傳持橐簪筆注簪筆以待顧問

明仁殿進講五首

貢師泰

春日君王出殿遲
千官簾外立多時
觚稜雪轉寒
無奈先許儒臣到講幄

明仁殿

輟耕錄明仁殿又曰西煖殿在寢殿西

觚稜

西都賦設壁門之鳳闕上

觚稜而棲金雀

黃綾寫本奏經筵正是虞書第二篇聖王從容聽

講罷許教畱在御床邊

經筵

宋史哲宗紀諭侍臣曰凡學之道戒在中止故視事畢不俟進食即御經筵 [文彥博]

傳命平章軍國重事六日一朝一月兩赴經筵

殿前冠佩儼成行玉椀金瓶進早湯白媿平生飯

藜藿朝來得食大官羊

玉椀

江淹兔園賦碧玉作椀銀為盤一刻一縷化雙鸞徐陵詩玉椀無秋耐金燈滅夜煙

金瓶

沈約詩象筵鳴寶瑟金瓶泛羽卮

藜藿

史記子貢結駟連騎排藜藿入窮閭

過謝原憲晉書葛洪傳藜藿有八珍之甘蓬華有藻稅之樂

大官

漢書百官公卿表少

府屬官有太醫太官湯官導官師古注大官主膳食後漢書百官志大官令一人六百石掌御飲食黃庭堅詩春風飽識大官羊

黃金爲帶玉爲檐劍戟如林衛紫髯也愛儒林勤講讀向前輕揭虎皮簾

紫髯

李白司馬將軍身居玉帳臨河魁紫髯若戟冠崔嵬耿漳詩當年紫髯髯也日黑頭

公

奏對歸來日已西獨騎瘦馬踏春泥行從海子橋邊過猶望宮墻柳色齊

海子

日下舊聞禁城中外海子卽古燕市積水潭也源出西山將近城分爲二外繞都城

開水門內注潭中入為內海子繞禁城出巽方
 流玉河橋合外隍入大通河又潭水從德勝橋
 東下稍折而南直環北安門官墻左
 右流入禁城為太液池汪洋如海

奏... 西... 春... 行... 於... 感... 子...

五

黃金... 林... 禁... 城... 德... 勝... 橋...

黃金... 氣... 運... 道... 春...

林... 德... 勝... 橋... 德... 勝... 橋...

近光集卷二十八 七言絕句

長洲汪士鋐 文升編纂

福清張夢拓 孝國叅注

獻封大夫破播先凱歌 岑參

官軍西出過樓蘭營幕傍臨月窟寒蒲海曉霜凝

馬尾慈山夜雪撲旌竿

樓蘭

漢西域傳鄯善國本名樓蘭

月窟

梁簡文帝大法頌西踰月窟東漸扶桑

元帝賦觀月窟之入附觀日勒之來遊

蒲海

漢西域傳于闐在南山下其河北流與蔥

嶺河合東注蒲昌海蒲昌海一名鹽澤者也

日落轅門鼓角鳴千羣面縛出蕃城洗兵魚海雲

迎陣秣馬龍堆月照營

魚海

唐明皇紀天寶元年河西節度使王伾克吐蕃魚海遊奔軍

龍堆

見十卷

諸將入朝

何景明

少年生長在邊城介冑南征蟣蝨生馬朝來橫

吹曲梅花一半是吳聲

蟣蝨

嚴安曰介冑生蟣蝨

橫吹曲

古樂府注橫吹曲其始亦謂之鼓吹馬上奏之

軍中之樂也

九曲詞八

高適

萬騎爭吹楊柳春
千場對舞繡麒麟
到處盡遊歡
洽事相看總是太平人

九曲

新唐書楊矩爲鄯州都督奏請黃河九曲之地以爲金城公主湯沐之所吐蕃旣得

九曲頓兵畜牧又與唐境接近自是復叛通鑑十二載翰擊吐蕃拔洪濟大漠門等城悉收九曲部落自安遠門西盡唐境萬二千里

鐵騎橫行鐵嶺頭
西看邏逤取封侯
青海只今將飲馬
黃河不用更防秋

青海

隋西域傳吐谷渾城在青海西四十里舊書吐谷渾有青海周圍八九百里

奉和嚴國公軍城早秋

杜甫

秋風嫋嫋動高旌玉帳分弓射虜營已收滴博雲

閒戍更奪蓬婆雪外城

滴博

困學紀聞滴博嶺在維州韋臯傳出西山靈閣破峩和通鶴廉城踰滴博嶺遂圍維

州蓬婆

元和志柘州城西有安戎江蓬婆水大雪山一名蓬婆山胡三省通鑑注蓬婆

嶺其地在雪山北錢箋嚴武傳廣德二年破吐蕃七萬餘衆崔旰傳武遣旰統兵西山拓地數

里百

窮邊詞

姚合

將軍作鎮古汧州水膩山香節氣柔清夜滿城絲管散行人不信是邊頭

汧州

元和志京兆府隴州漢為汧縣

箭利弓調四鎮兵番人不敢近東行沿邊千里渾

無事惟見平安火入城

平安火

唐六典鎮戍每日放煙一炬謂之平安火

塞下曲

常建

玉帛朝回望帝鄉烏孫歸去不稱王天涯靜處無

征戰兵氣銷為日月光

烏孫

史記大宛傳烏孫在大宛東北可二千里漢西域傳烏孫國去長安八千九百里

河湟書事二首

馬祖常

陰山鐵騎角弓長閑日原頭射白狼青海無波春

鴈下草生磧裏見牛羊

河湟

吐蕃傳湟水出蒙谷北龍泉與河合河之上流由洪濟梁西南行二千里世舉謂西

戎地曰

陰山

漢書匈奴傳侯應曰臣聞北邊塞至遼東外有陰山東北千餘里草

木茂盛多禽獸本冒頓單于依阻其中治作弓矢來出為寇是其苑囿也至孝武時出師征伐

斥奪此地攘之於幕北然後邊境少安

波斯老賈度流沙夜聽駝鈴識路賒採玉河邊青

石子收來東國易桑麻

波斯

山海經波斯西域國去中國萬里

流沙

元和志居延海在張掖縣東北一千

六百里居延澤古文以為流沙者風吹流行故曰流沙

採玉河

五代史河源出于闐

山多玉其河源所出至于闐分為三東曰白玉河西曰綠玉河又西曰烏玉河三河皆有玉而色異每歲秋水涸國王撈玉於河然後國人得撈玉杜甫詩勃律天西採玉河

扈從巡邊至宣府往還雜詩六首

二選

楊士奇

居庸關中四十里迴岡複嶺度縈紆道傍石刻無

人識盡是前朝蒙

去聲讀

古書

蒙古

元史元初蒙古八世祖廿一年宣命劄付並用蒙古書至元三年禁漢人學蒙古字

紅葉離離淨可書綠渠流水見游魚老臣虛拜貂

裘賜一路陽和護屬車

御獵

王建

青山直遶鳳城頭
澹水斜分入御溝
新教內人唯射鴨
長隨天子苑東遊

澹水

上林賦終始灞澹出入涇渭李善注張揖曰灞澹二水終始盡於苑中不復出也長

安志澹水在萬年縣東北

從獵口號三首

李獻能

閶闔傳符啓九關
一聲清蹕駐南山
虎賁先導三千士
天馬初離十二閑

九關

楚詞虎豹九關
啄害下人些

十二閑

周禮天子十有二
閑馬六種注每廐

為一閑

爛爛龍旗捧日暉從臣遙認赭紅衣天王清曉親

弧矢初合今冬第一圍

蓮燭金紗簇簇齊宮槐龍曉尚淒迷京陽鐘罷聽

殘漏萬馬銜霜不敢嘶

灤京雜咏

楊允孚

穹崖幻出梵王宮雙塔中間一逕通四月雨餘山

更碧六龍行處日初紅

元注至正年間始營雙
塔宮闕巍峩直通絕嶺

題涇縣

一作嘉興

水西寺

唐宣宗

大殿連雲接賞

一作爽

谿鐘聲還與鼓聲齊長安若

問江南事說道風光在水西

臺山雜咏

元好問

靈蛇不與世相關時復蜿蜒水石閒何處天觚待
霖雨一龕香火梵仙山

興隆寺

楊一清

三日興隆寺裏齋彩幢繚繞覆天街過門不敢長
騎馬上有君王萬歲牌

紫極宮齋後

李群玉

紫府空歌碧落寒
晚星寥亮月光殘
一群白鶴高飛散
惟有松風掃石壇

紫府

十洲記青丘有鳳山山恒震聲有紫府宮天真仙女遊於此地

石壇

漢書郊祀

志紫壇有文章采鏤黼黻之飾及正女樂石壇仙人祠瘞鸞路駢駒寓龍馬不能得真象於古

興聖寺卽事一首

薩都刺

御廚香動晚分羹
七寶玻瓈杵杵承
白面內官呼小字
隔簾傳旨賜中丞

七寶

真諦師傳彌勒佛出世時須達為孃佉國大臣名須達多此園地廣由一旬純以七

寶徧滿布地奉施
如來起為住處

玻瓈

大集經金多羅樹白銀
葉花銀樹琉璃葉花玻

瓈樹馬腦葉花馬腦樹車渠葉花車
渠樹真珠葉花赤真珠樹黃金葉花

贈楊鍊師

鮑溶

紫煙衣上繡春雲清隱山書小篆文明月在天將

鳳管夜深吹向玉晨君

玉晨君

道源注太真經上清藥珠宮大道玉晨
君居之又黃庭內景經太上大道玉晨

君閒居藥
珠作七言

贈朱道靈

杜牧

劉根丹篆三千字郭璞青囊萬卷書牛渚磯南謝

山北白雲深處有巖居

劉根

後漢方術傳劉根者潁川人也隱居嵩山中諸好事者自遠而至就根學道

牛

渚

圖經牛渚山在太平當塗縣北三十里山下有磯古津渡也

謝山

明一統志青山

在太平府東南三十里齊宣城太守謝朓嘗築室於山之南又名謝公山

步虛詞三首

後二首三鄉時作

元好問

閨苑仙人白錦袍海山宮闕醉蟠桃三更月底鸞

聲急萬里風頭鶴骨高

閨苑

庚肩吾詩閨苑秋光暮金塘收潦清

白錦袍

雲笈七籤白元君服丹玉之錦

雲羅重袍白光內朱流景參天

萬神朝罷出通明和氣歡聲滿玉京見說人間有

新異綠章封事謝昇平

通明

玉帝殿名

昇平

孝經鈞命訣明皇用孝昇平致譽

琪樹明霞碧落宮歌音嫋嫋度冷風人間聽是霓

裳慣猶恐鈞天是夢中

琪樹

山海經崑崙之墟北有琪樹文玉樹玕琪樹

碧落

度人經昔于始青天中碧

落宮歌注東方第一天有碧霞遍滿是名碧落

延祐元年五月重祀茅山瑞鶴詩二首

并序

吳全節

至大庚戌秋百餘鶴集大峰一宿宗師劉君以
其明年入覲嘗圖以獻茲以上命再祀宗壇比
至下泊有鶴十二若相迎導并紀之

一雨山峯分外青巖華澗草共欣榮茅君聞道天
香至先遣西山羽駕迎

茅君

洞仙傳茅濛字初成咸陽南關人卽東卿
司命君盈之高祖也師北郭鬼谷先生受

長生之術入華山修道白日升天集仙傳大茅
君盈南至句曲之山南嶽真人赤君西城王君
及諸青童並從王母降于盈室天皇大帝命五
帝君賜以紫玉之板黃金刻書九錫之文拜盈
爲東嶽上卿司命眞君太元真人王母命上元
夫人授茅盈之弟茅固茅衷太霄隱書丹景道

精等四部寶經命侍女張靈子執交信之盟以授于盈固及裏事訖升天而去

圖寫丹青上九天秋風百鶴駐山前誰知六轡重

來日又見排空十二仙

靈應宮

范曄

萬花如錦擁朱宮上界嚴祠望碧空一十二時春

百刻日長半在鳥啼中

朱宮

楚詞魚鱗屋兮龍堂紫貝闕兮朱宮一作珠

嚴祠

張衡周天大象賦天紀錄

禽而獻齒天廣嚴祠而毓粹

天游觀

鄭大同

輕輿斜日上高峰，瘦竹疎花萬壑風。
獨鶴一聲松影亂，月明人在白雲中。

送曇陽大師

屠隆

列坐樽桑大帝前，六銖五色照瑤田。
直凌海面行空去，颯颯天風散紫烟。

六銖

博異志：貞觀中，岑文本於山亭避暑，有叩門云：上清童子。文本問曰：衣服皆輕細，何

土所出，對曰：此上清五銖服。又問曰：比聞六銖者，天人衣何五銖之異？對曰：尤細者則五銖也。

權德輿詩：瑤

瑤田

瑤同瓊。十洲記：祖洲有瑤田，不死之草生焉。

西池南嶽坐相邀，髮鬢煙中白玉橋。
手炙鶯黃踏

雲路靈音一半入瓊簫

神樂觀鄧仙官

釋來復

天上琳宮白玉梯別開方丈五雲西金花傳賜仙

官誥上有乾清御筆題

醮罷星辰校綠章虛壇夜夜降祠光白鸞騎得朝

天去手把芙蓉傳紫皇

手把芙蓉

李白謠遙見仙人綵雲裏手把芙蓉朝玉京

紫皇

沈約賦降紫皇

于天闕延二妃于湘渚

早梅

戎昱

一樹寒梅白玉條，迴臨村路傍溪橋。
應緣近水花先發，疑是經春雪未消。

村路

庾信明月山銘堤
梁似堰野路疑村

柳枝詞

賀知章

碧玉裝成一樹高，萬條垂下綠絲絛。
不知細葉誰裁出，二月春風是剪刀。

春柳應制

劉微

翠紐圓勻綠線輕，著行排立弄新晴。
更看三月春風裏，散作飛花滿鳳城。

綠線

范雲詩 春風柳線長 沈亞之詩 蓬煙拈綠線

飛花

樂府楊白花 歌陽春二二三

月楊柳 齊作花

海棠

蘇軾

東風嫋嫋泛崇光 香霧溶溶月轉廊 只恐夜深花

睡去故

一作高

燒銀燭照紅粧

嫋嫋

九歌 嫋嫋兮秋風 洞庭波兮木葉下

溶溶

楚詞 心溶溶其不可量 兮情澹澹其

若淵 沈約詩 溶溶晨霧合

花睡

太真外傳 上皇登沉香亭召太真 妃子太真卯醉未醒命

力士從侍兒扶掖而至 妃子醉顏殘粧鬢亂 釵橫不能再拜上皇笑曰 此海棠睡未足耳

咏上苑桃花

陶望齡

度索山頭駐綵霞蓬萊宮闕卽仙家共傳西苑千
秋實已著東風一樹花

度索山

十洲記東海有山名度索山有大桃樹屈盤數千里曰蟠桃

千秋實

漢武故事王母云此桃三千年一實

宮詞

王建

宮花不共外花同正月長先一半紅供御櫻桃看
守別直無鷓鴣到園中

櫻桃

禮祀羞以含桃先薦寢廟注含桃櫻桃也

白玉窗前起草臣櫻桃初赤賜嘗新殿頭傳語金

階遠因一作進詞來謝聖人

玉窗梁簡文詩何時玉窗裏夜夜更縫衣 賜嘗新拾遺錄漢明帝於月夜宴群臣

於照園太官進櫻桃以赤瑛為盤賜群臣 月下視之盤與桃同群臣皆笑曰是空盤

絕句 泰不華

金吾列侍擁旌旄五色雲深雉尾高視草詞臣方

退食內官傳敕賜櫻桃一作蒲萄

金吾漢書武帝太初元年改中尉為執金吾 雉尾崔豹古今注殷高宗以雉雒之

徵章服多用翟 故有雉尾扇 退食詩自公退食

唐昌觀玉蕊

王建

一樹籠鬢玉刻成飄廊點地色輕輕女官夜覓香
來處唯見階前碎月明

玉蕊花

周必大玉蕊辨證跋玉蕊花苞初甚微經月漸大暮春方開八出鬚如冰綠上

綴金粟花心復有碧筩狀類膽瓶其中別抽一英出衆鬚上散爲十餘蕊猶刻玉然

紫薇花

白居易

絲綸閣下文章靜鐘鼓樓中刻漏長獨坐黃昏誰
是伴紫薇花對紫薇郎

紫薇花

細素雜記唐故事中書省植紫薇花歷代循用之至今舍人院紫薇院猶植紫

薇花用

鐘鼓樓

唐書儀衛志朝日百官班于殿庭左右循使二人分准于鐘鼓

樓下

白蓮

曾棨

太液澄波濯素容
玉衣垂影水晶宮
月明無處尋

顏色只信香飄十里風

玉衣

魏書甄后生每寢寐家中髣髴見如有人持玉衣覆其上者拾遺記晉太始中有頻

斯國人來朝以五色玉為衣

奉勅太液池觀荷

王夫人

御池清淺石磷磷
滿徑紅蕖映白蘋
水殿風來塵

不到叨陪鳳輦荷恩新

紅牡丹

王良佐

沉香亭北午風微香霧濛濛燕子飛三十六宮春

色好大家齊試絳羅衣

沉香亭

李白詩沉香亭北倚闌干注沉香亭以沉香為之如柏梁臺以柏木為之也

三十六宮

駱賓王詩漢家離宮三十六

欽安殿

夏言

欽安殿前修竹園百尺琅玕護紫垣夜夜月明搖

鳳尾年年春雨長龍孫

龍孫

初學記鍾龍竹伶倫所伐也又孫竹之管注孫竹枝根之未生者

宮詞

柯九思

黑河萬里金沙漠世祖深思創業難數尺欄杆護

青草丹墀畱與子孫看

黑河

元史阿塔海傳祖塔海拔都兒騎勇善戰從太祖同飲黑河水以功封千戶拾遺記

溟海之北有勃鞞之國人壽千歲食以黑河水藻飲以陰山桂脂創業艱難故所居之地青草植于大內丹墀之前謂之誓儉草

青草

草木子世祖思

元宮詞

周憲王

瑞氣氤氳萬歲山碧池一帶水潺潺殿傍種得青

青豆要識民生稼穡難

萬歲山

輟耕錄萬歲山在大內西北太液池之陽金人名瓊花島中統二年修繕之車

駕歲巡上都先

宴百官於此

灤陽邢君隱於藥製芍藥芽代茗飲號曰

瓊芽先朝嘗以進御云

黃潛

芳苗簇簇徧山河玉蕾珠芽未足多千載茶經有
遺恨吳儂元不過灤河

茶經

唐書藝文志陸羽茶經三卷顧璣詩如何陸鴻漸不入品茶經

春風北苑鬪時新萬里函封效貢珍羨爾託根天
尺五不勞飛騎走紅塵

北苑

漁隱叢話建安北茶貢始於太宗太平興國三年遣使造之取象於龍鳳以別入貢

其後大小龍團又起於丁謂而成於君謨

同公擇作揀芽詠

黃庭堅

赤囊歲上雙龍璧

元注囊貢小團亦惟揀芽則雙龍

曾見前朝盛

事來想得天香隨御所延春閣道轉春雷

元注元豐末作

延春閣

小團

歐陽修龍茶錄後序茶為物之至精而小團又其精者錄序所謂上品龍茶是也蓋

自君謨始造而歲貢焉

題唐伯虎烹茶錄為喻大守

王穉登

靈源洞口採旗槍五馬來乘穀雨嘗從此端明茶譜上又添新品綠雲香

旗槍

茶譜團黃有一旗二槍之號言一葉二芽也塵史世謂茶之始生而嫩者為一槍寢

大而開謂之一旗過此則不堪矣

端明

按蔡君謨皇祐中作茶錄二篇上進後知福州

為掌書吏竊去藏稿不能復記知懷安縣樊紀購得之刊勒行世然多舛謬君謨乃重加正定書石時治平元年也君謨官至端明殿學士

茶譜

毛文錫有茶譜李中詩茶譜傳溪叟

棋經授羽人

宮燕詞

楊巨源

毛衣似錦語如絃日煖爭高綺陌天幾處野花畱

不得雙雙飛向御爐前

畫睂鳥

歐陽修

百轉千聲隨意移
山花紅紫樹高低
始知鎖向金籠聽
不及林閒自在啼

金籠

江總詩春鸚徒有賦還笑在金籠

放內苑諸禽

陳沂

多年調養在雕籠
放出初飛失舊叢
祇爲恩深不能去
朝來還繞上陽宮

雕籠

禰衡賦閑以雕籠剪其翅羽

滕王蛺蝶圖

王暉

粉香金翠夢能甜細寫春悰入筆尖却恐尋香飛

便去六宮爭下水晶簾

元注王建宮詞有傳得滕王蛺蝶圖之句

蝶夢

莊子昔者莊周夢為蝴蝶栩栩然蝴蝶也

六宮

周禮天宮內宰以陰禮教六宮

注後五前一王者后一宮三夫人一宮九嬪一宮二十七世婦一宮八十一御女一宮

和馬伯庸學士擬古宮詞

貢師泰

雲影微開日脚垂杏花深院落遊絲不知誰動秋
千索驚起黃鸝過別枝

宮詞

王涯

迎風殿裏罷雲和起聽新蟬步淺莎爲愛九天和
露滴萬年枝上最聲多

迎風殿

江洪詩先拂連雲臺罷入迎風殿

雲和

庾信歌孤竹之管雲和弦

惠崇春江晚景

蘇軾

竹外桃花三兩枝春江水暖鴨先知
萼蒿滿地蘆芽短正是河鮑欲上時

河鮑

倦游錄暮春柳花飛此魚始大江淮人時以爲珍更相贈遺張文潛明道雜志河鮑

烹煮亦無法但用萼蒿荻芽等物

宮詞

花蕊夫人

廚船進食簇時新侍坐無非列近臣日午殿前宣
索鱠隔花催喚打魚人

宮詞

王建

新衫一樣殿頭黃銀帶排方獺尾長總把金鞭騎
御馬綠鬃紅額麝香煙

黃衫

唐書禮樂志明皇嘗以馬百匹施二重榻舞傾杯數十曲樂工少年姿秀者十數人

衣黃衫文玉帶立左右每千秋節舞於勤政樓下

粟金腰帶碧牙錐散插紅翎玉突枝旋獵一邊還
引馬歸來雉兔遶鞍垂

腰帶

晉書輿服志古者貴賤皆執笏其有事則摺之於腰帶唐書禮樂志每器工一人歌

二人工人絳袍

金帶烏鞞舞

雲駮花驄各試行一般毛色一般纓殿前來往重

騎過欲得君王重賜名

新秋白兔大於拳紅耳霜毛趁草眠天子不教人

射殺玉鞭遮到馬蹄前

內鷹籠脫解紅條鬪勝爭飛出手高直上碧雲還

却下一雙金爪菊花毛

紅條

廣韻條編絲繩也魏彥深鷹賦綴輕絲於雙臉結長皮于兩足

金爪

梁元帝樂

府玉珂鳴戰馬

金爪鬪塲鷄

過海子觀浴象

宋褰

四蹄如柱鼻垂雲踏碎春泥亂水紋
瀾瀾鵝鵲好風景一時驚散不成羣

和景賢贈鹿尾

耶律楚材

日暮長楊獵騎歸西風弓硬馬初肥
今年鹿尾休嫌少且喜君王不合圍

寄顏經略羊酥

貢師泰

三山五月尚清寒
滴羊酥凍玉杵何物風流可

相稱兔豪花瀾水龍團